



07156

貞居先生詩集

七卷補遺二卷

附錄二卷

光緒丁酉七月張蔭梅署



八千卷樓重雕何  
氏蜨隱庵鈔本

序

陶弘景在齊梁時挂冠居句曲山自號華陽隱居性雅  
淡愛山水每經澗谷必吟詠盤桓尤喜著書賦詩旁通  
陰陽醫藥之術朝廷屢徵不起世以高尚稱之後七百  
餘年當元盛時貞居以儒者抽簪入道自錢塘來句曲  
負逸才英氣以詩著名格調清麗句語新奇可謂詩家  
之傑出者也當是時以詩文名世者若趙松雪虞道園  
范德機楊仲弘諸君子以英瑋之姿凌跨一代諧鳴於  
館閣之上而流風餘韻播諸邱壑之間貞居以豪邁之  
氣超然自得獨鳴於邱壑之間而清聲雅調聞諸館閣  
之上諸君子亦嘗與其唱酬往還雖出處不同而同爲

貞居集徐序

一

詞章之宗匠譬如軒輊詎知其孰先而孰後耶矧貞居  
博學多聞襟懷蕭灑故大夫士多景慕而樂道之也夫  
隱居貞居時世先後好尚問學似未可以同日語然隱  
居之清風高節貞居之雅度逸才亦可謂前春而後應  
豈非句曲山清爽之氣鍾秀於二子歟以吾夫子中庸  
之道修已治人之學金聲玉振之文昭著於天地使其  
學道而望洙泗之科猶未易量也至若奔競功名蹀躞  
聲利醉生夢死不自覺者則二子之風度將追嚴子陵  
陸修靜之武歟易曰不事王侯高尚其事二子其庶幾  
乎貞居張姓兩名伯雨字貞居其自號句曲外史世人  
稱之也吳郡徐達左序

外史杭之錢塘人姓張名雨又名天雨字伯雨號貞居子宋崇國文忠公九成之裔年二十棄家徧游天台括蒼諸名山吳人周大靜爲許宗師弟子得楊許遺書外史師事之悉受其說入開元宮從真人王壽衍爲道士名嗣真風裁凝峻見者異之見趙松雪承旨趙見其作字勁健贈以雲麾將軍碑墨令師法之書果超越儒學提舉楊廉夫許在陶貞白上飲酣伸紙作大草尤妙小楷變率更家數世稱二絕詩宗杜惟肖古選類大厯間諸子文學韓而冷語類漢獨於畫末工或引敗筆點綴木石人物亦自賞適蓋論意不論象也壽衍嘗借入京

貞居集小傳

一

時燕地未有梅惟吳閒開宗師自江南移植護以穹廬扁漱芳亭外史造其所恍與西湖故人遇徘徊既久不覺熟寢其中壽衍竟日不見憂其迷路外史覺而已瞞閒閒笑曰伯雨素有詩名宜有作遂賦長詩有風沙不憚五千里翻身跳入仙人壺之句閒閒大喜送之翰林集賢袁伯長虞伯生揭曼碩諸公和之繇是名大起一時浦城楊仲弘清江范德機金華黃晉卿吳興趙仲穆交甚善它日謁虞虞問能作符篆否答曰未能虞連書七十二家示之卽下拜曰真吾師也自後凡與虞手札必執弟子禮其服善類此壽衍復偕入朝被璽書賜驛傳欲官之非其志也卽自誓不更出因三茅有招赴之

奉任君而下五君爲文告之願畢力茲宇所著出世集  
三卷碧巖立會錄二卷尋山誌十五卷考索精博又著  
立史自序曰老子立足者也是集獨不與者尊之至也  
嘗悅劉大彬所修茅山志因號句曲外史丁丑歲出茅  
嶺庚辰歸陽德館作黃篾樓儲古圖史甚富往來靈石  
山之精舍丁卯按丁卯當  
作丁亥造水軒于浴鵠灣明年刻詩  
藥井上時年七十有六按七十有六當  
作七十有二其所居又有開  
元靜舍南真館老學齋與會稽王山農上清薛立卿章  
心遠龍翔毛伯圭輩相友善多文字酬酢廉夫避地於  
蘇之錦繡坊外史以其知已數造焉廉夫推爲前輩每  
題其製作曰貞居先生其有手鈔一帙遺胡季城題云

貞居集小傳

二

紅巾寇杭先生墨跡在黃篾樓者不與焦炬同化則與  
相載同逝矣此鈔豈非晉武庫之遺劍也耶有弔其亡  
曰黃篾樓頭仙一去明年黃篾歸狼烽不知天上修立  
史只訝山中伴赤松石室祕書愁攝電星池遺劍已成  
龍思君不見夜開戶月在金鐘玉几峰又爲安陽韓致  
用題其手削卷尾曰雖疏俗出語亦別殆欲過晉人筆  
舌矧其辯論道德文章事乎廉夫一代人望獨於外史  
重其不輕許可較然矣手營墓於靈石西湖之陰南屏  
之右前阻澗瀟繫腰作梁名玉鉤橋南數十武作藏書  
石室自勒銘而吳睿隸古綬五七年前從甘泉劉邦彥  
得八帖往往言造酒必善飲又見其手錄詩文各一冊

予以古書畫一卷易得詩冊計二十六紙五七言詩入  
十一首中有附錄遂昌鄭明德東海倪元鎮龍河僧大  
訢詩十餘首其不遺故人之善如此又於邦彥得二紙  
其紙標丁亥二字其詩文必多故編年書之旁二行云  
繆作積歲月成帙初不事深僻覽者或昧其所從來易  
玄久許一箋請如古法簡要疏於語下尙藉是以傳焉  
予不考易玄何人成化丁酉杭有攜其像入金陵者人  
得卽攜涉楊子亟遣人物色之以歸爲文酬之是冬又  
得其胎仙閣記一軸詞翰益蒼古戊戌予偕羽士史玄  
隱拜其墓爲詩弔之桐村牧周伯器亦有詩在別楮意  
其或埃盭之表爽爽不昧尙化鶴來于丹邱曠世而神  
交否乎著小傳爲書其遺墨後仍勒之石庶觀者有足  
以論其世也論曰嗚呼兩間所靳者名道德之外有事  
功有文墨皆分定不可兼得一之已足尙矣有其二而  
道或汗焉亦奚尙乎外史所有種種超越名孰與靳故  
曰諒無金石固榮名以爲寶山澤之臞列仙之儒其斯

人歟

外史錢塘人姓張氏字伯雨六世祖九成以狀元擢第於宋傳四世至逢源仕宋爲奉議郎通判漳州逢源生有孫有孫生雨兩性狷介常眇視流俗悒悒思古道知弗能與人俯仰遂挺身戴黃冠爲道士登茅山受大洞經籙豁有所悟遂復出羣道士表道士見雨神益完貌益固雖其師亦莫能測也雨獨與學士吳興趙文敏公善每以陶弘景期之雨自號句曲外史明年開元宮王真人入覲京師以外史自副時范德機以能詩名外史造范范適出有詩集在几上外史取筆書其後爲詩四韻守者見大怒趨白范而范驚曰吾聞若人不得見今

貞居集墓銘

一

來天畀我友也卽自詣外史結交而去繇是外史名震京中一時賢士大夫若浦城楊仲弘四明袁伯長蜀郡虞伯生爭與爲友願留之京師外史雖爲道士恆以親老爲憂延祐初謝觀居開元宮明年杭災宮毀外史適華陽至元丙子以上冢告歸遂不復去年已六十矣先葬冠劍於南山而辭宮事但飲酒賦詩或焚香終日坐密室不以世事接耳目後卒於宮之齋居篋無遺物也外史素不與俗人交人有不善輒面折而有善亦未嘗不力揚之故遠近之有學者無不願踵其門雖不見許可退亦不敢憾非其識見精敏操履端正何能使人畏服若是哉至正乙酉基以提舉儒學備員江浙始獲與

外史一見卽如平生歡明年七月而外史卒嗚呼世之  
拔流俗而行者鮮矣得斯人焉而弗獲久與游豈不深  
可惜哉外史旣卒於是宮之掌事及其弟奉其棺葬於  
冠劍之所而基適迫棘闈事弗能預執紼及出爲訪外  
史遺躅而爲之銘而外史之徒若子弟無能承外史之  
志者外史已矣有友而弗銘咎將誰歸於是乎銘銘曰  
孰與之軀以爲吾拘式還其虛杳兮冥兮吁嗟乎幽墟  
嘗攷外史之交盡當時海內名士而爲之銘者則晚  
交之誠意公也蓋公之才器非外史莫能識而外史  
之立德懿行非公亦莫之能銘是不可以或然論也  
觀公之誌行以不獲久交外史爲惜以愚臆之在外

真居集墓銘

二

史之靈亦不能不以得公之銘爲慰也第其生卒年  
月誌不顯具而後此姚氏之傳牴牾特甚似不可以  
無辨按誌稱外史以延祐初居開元明年適華陽至  
元丙子以上冢東歸遂不復去年已六十矣逮至正  
乙酉公始以提學友外史明年七月而外史卒據此  
志則外史之生當在宋端宗景炎丁丑其卒之歲則至  
正之丙戌也姚謂以丁丑歲出茅嶺庚辰歸陽德館  
丁卯造水軒於浴鵠灣明年刻詩於藥井上時年七  
十有六亦不錄其生卒此皆可疑者也夫以劉公親  
交外史而姚則得之傳聞宜若舍傳而信誌然集中  
有丁亥十二月五日雪晴及六日喜晉卿至二詩皆

用綾字韻末復有再用丁亥歲雪晴韻懷中舉一首  
而後此別無戊子己丑之編則知此數詩去絕筆蓋  
無幾矣苟謂此爲前至元之丁亥則尤不可信也況  
送錢思復之永嘉詩題下注八年九日四字而元之  
編年自元貞以來無所謂八年者獨庚申帝有之實  
至正戊子也其諸外史以是年刻詩藥井不久而黃  
篋告終歟若然則作軒之年當爲丁亥而七十有六  
之六則二字之誤也誌所謂明年七月又當爲八年  
某月無疑矣蓋明又捌之似也校閱之餘漫爲拈出  
以俟博雅君子之補正若夫傳世之大者固知不在  
此也嘉靖癸巳立豕月吉石樓野生謹識

嗚呼此句曲外史貞居先生張公墓也南屏之右西湖之陽梁題玉鉤澗度靈石路披篠樹隔帶煙霞石室藏書碑文紀事其形雖逝其神則存翰墨在人文章垂世儼然生氣之張皇聲歎無聲周旋滅影穆若太虛而示寂開元精舍久無繼續之賢句曲貞居全乏訪求之彥遂使墓門荒翳兆趾崩奔松柏摧爲薪莫設時樵之禁身世是何物曾罹夜客之侵痛茲劒躍雷津慨爾研離玉匣既往何咎將來可圖曠世而默契予心尙友而景行前哲爰合佳士聿來嗣人卽冢土以增崇求體魄之綏靜其灌其柵予以植夫美材有紀有堂於以開夫幽

貞居集墓碑銘

四

隧不有伐石將安載詳是欲喚起令威再返遼東之白鶴招還曼倩同游雲外之青鸞第恐紫極高樓罔由下邁自謂黃中密邇端冀旁臨先作傳以述夫始終翠珉是託復贅銘以紀夫歲月形管庸書銘曰於厥張公天兩伯雨是名是字蚤曰貞居晚曰外史厥號不一幻僊亦爾文章闡古鑿鑿齒齒書法俊逸不邈以止樂道忘我人莫之訾相靈石澗爰墓於此有峰而岌有水而駛喬喬者林盈盈者蕊迴絕風塵攸驅虎兕以巖爲扃以雲爲時朝煙夕霏紆青委紫時遠世異毋怪積圯聿增修之屬後來士於厥張公克具眾美周睟之學洞究立旨獨立羽化匪忽焉死光華曷居天漢之涘誦予銘者

式味妙理矧嗣教人其不興起薦溪之毛挹齊之禮公  
恆賁斯以陟降只

碑陰

先曾祖侍御穀庵先生尙友句曲張外史嘗爲文勒石  
表其事曾祖卒碑臥予家者六甲旣周矣嘉靖己亥秋  
七月階如杭遊開元宮見道士范玄智字希仁者嗣句  
曲五世孫也言及碑故希仁以請階許之是歲冬階丁  
內艱未暇如諾越明季秋希仁來弔申請愈恪又明季  
春乃克昇碑以往俾樹句曲墓畢吾先人志焉嗚呼百  
物顯晦數懸於天茲碑克立當自有時階何容力乎敢  
贅數語以識歲月云嘉靖二十年歲舍辛丑二月望嘉

貞居集墓碑銘

五

禾姚階謹識

辛丑歲碑將舉行會役故稽留自是十二年來妄累滋  
多弗遑畢事癸丑秋再訪希仁齒已及耄懼負前期且  
見希仁嗣孫沈如愚頗可繼志結言而歸迺以是冬十  
二月之吉勉力奉往嗟乎日月易逝茲碑晦臥復越一  
紀之餘而始克顯立其間可感慨者莫能詳也因再識  
之嘉靖三十有二年臘前七日階謹書於雲溪之陽

重脩元句曲外史張貞居先生墓記 羅 榘

謹按外史卒於元至正戊子墓在靈石鳴後荒蕪不治爲土人所發正德時嘉興姚公綬集同人重葺之并手爲撰碑立於墓左至 國朝雍乾間瑩域就湮吳穀人祭酒訪之不獲有詩見有正味齋集嘉慶時儀徵阮文達開府吾浙重脩其墓辛酉寇亂湖上先賢墳塋大半毀泯而外史之墓巋然猶存以地頗深僻兆域四面又爲通元觀道士叢葬之區故雖城中士大夫亦知之者鮮也光緒丁酉錢塘丁丈松生先生刻其遺集七卷且搜輯集外詩文各一卷附綴於後欲訪其墓詢諸鳴中之人無知其處者監利李刺史宮博雅好古淡於紛華

貞居集墓銘

六

隱居玉几峯下暇日訪得之冢雖傾積斷碑猶存蓋文達重脩時所立也癸卯季秋言於先生猶子修甫哲嗣和甫二君聞之狂喜會冬雪凍沍脩復未果甲辰季春乃畚乃鍤崇其馬鬣遂復舊觀乞湘陰李觀察輔燿題其墓四月初旬槩偕二君往拜之由靈石鳴循東北山徑而行濃綠蔽日流泉漱雲路側坊表猶存鐫字隱約可辨尙元時舊刻也墓居金鍾峯之麓坐巽向乾五老峯環其右梅花嶺抱其左巖泉競秀旣固且安薰風乍至山中松櫟彷彿飄笙鶴之音若外史霓裳羽衣駕雲而莅止爲徘徊者久之當元仁宗英宗之時海內人文稱爲極盛趙文敏虞文靖黃文獻以文學書翰煊赫東

南外史以一羽流頡頏其間諸公亦不以其留於外教而樂與之遊詩詞之清麗字畫之蒼勁一時道流無能及之者也自歿迄今將六百年其間富貴功名之士世俗所欣慕未嘗不有聲於當時及身沒之後邱隴不能保甚或姓名亦在若有若無之間若外史遺書無子孫之傳孤墳無樵蘇之禁而自元以來不但名未晦沒今墓得里人重加脩治著作亦校正復刊風行海內卽更閱六百年外史之墓與集尙不朽無疑浮雲易沒至道常存德與天遊者風霜兵燹所不能敝者也世傳外史深於符篆此儒者所不道獨惜登善菴澗阿亭當日與張率性賦詩之地今覓其遺址杳不可得聞二君他日將卜地重建之且搜求遺翰命良工勒石嵌諸廡壁以復貞居舊跡落成之日榘雖無文尙思執筆以俟爲二君紀此一段佳話也余月丁卯

貞居集墓銘

七

先君子性喜掌故嘗彙刻武林叢編以存古蹟而於前賢著述尤好有元一代詩文若仇山村白廷玉吾子行諸先生遺集均爲校刻暇日嘗率立中至多寶山及栖霞嶺訪三先生之墓蔓草荒煙難尋遺址不勝代遠年湮之感張貞居先生爲有元高士其詞翰之清麗與三先生相頡頏遺集七卷光緒丁酉秋日曾乞羅君榘臣校而刊之并輯其集外詩文及傳贊碑銘暨當時投贈之作附錄於後以誌景仰讀姚穀

庵先生墓碑亟登金鍾峯訪得墓門紆迴而上山路  
崎嶇徘徊久之杳不可得曾用吳穀人祭酒訪墓不  
得元韻賦詩記之越二年先君子棄養又四年立中  
獲見李小山刺史於湖上刺史爲先君子舊友淡於  
榮利隱居雞籠山之麓距金鍾峯僅半里許因詢及  
貞居先生之墓刺史曰余於數年前訪得之猶存阮  
文達修墓殘碑因請同往遇雨未果越數日偕家脩  
甫兄登山訪墓仍不獲及謁刺史而刺史適有桐廬  
之行又不遇留題於壁而返嗣得刺史手書曰貞居  
之墓猶是也而文達所題之碑已爲土人移去莫知  
所在亟宜重修俾免湮沒立中韙之今年春乃乞錢

貞居集墓銘

八

塘高君碩甫監視其工大加封築湘陰李幼梅觀察  
亦好古者也聞而喜之爲題其碑旣竣事立中與築  
臣脩甫同拜墓下架臣爲文以記緣起竊念穀庵先  
生撰文勒石越七十二年始克樹碑於墓其曾孫階  
記之碑陰謂百物顯晦數懸於天則文達之碑安知  
不晦而復顯哉自至正丙戌至嘉靖癸丑凡二百年  
得穀庵先生之文而墓始顯迄今三百餘年更得架  
臣之文以表之則斯墓之傳必又歷數百年而不廢  
矣栖霞嶺多寶山與金鍾峯相去不及十里異日必  
有好古如刺史者訪而得之書此以爲重修之嚆矢  
庶藉慰先君之遺意也五月重午日丁立中識

張逢源字淵甫海昌人九成之後宋末爲漳州僉判有  
泉月精舍大德初與高彥敬房山仇遠山邨吟詠其中  
題高彥敬夜山圖

地位清高眼界寬  
盡收風景入毫端  
廢宮臺榭和煙鎖  
隔岸江山對月看  
一水中分吳越近  
層樓低接斗牛寒  
有聲畫意吟難了  
更把瑤琴膝上彈

右詩見元高克恭夜山圖真迹卷後淵甫詩世不  
多見顧嗣立元詩選搜羅最博僅載此篇其罕覯  
可知矣今仿戴復古石屏集冠以其父敏詩之例  
而梓於卷首以著貞居淵源所自云羅架識

貞居集卷首

貞居先生詩集卷第二

五言古詩

玄洲精舍

蘇軾詩

蘇軾詩

蘇軾詩

蘇軾詩

吾愛柴桑言所居何必廣況此金鄉室寸地皆福壤巖  
棲晚更幽微雪帶林莽風生獨獸號山空眾泉響有聞  
惟寂音無構卽純想昔賢非樂此澹泊欲誰賞

獨游天信庵

蘇軾詩

獨行寒澗底蕭條溼霜露驚磨突人來躍入青蘿去落  
木深已腐亂石割芒屨我見康莊衢隘於林下路

美人折芳馨意重蒼玉玦把玩何以滋畧畧非所喪席

貞居集卷一

一

閒樹菖蒲泓然一螺雪猗蘭與之俱光景相洞徹迺若  
離羣居濯足以自潔又如服食士俛首尋九節振以冷  
風清食以寒泉冽秋菰雖云冷盍洗肝肺熱養目良區  
區出門芳草歇

四月旦舟抵錢源不數武出長塘湖水涸不能

辨音進是夕大雨明且絕湖入白石瀆四十里卽薛

閣舟菰蘆潛夜雨來如期水生天未白拔柁入渺瀰穀

帚初頰面螺黛新刷眉盛我大珠中獨與蛟人嬉使昔

衝暝適幾用失此奇意行每如此動靜寧容私

僧號月潮自金陵來乞詩

陰精儲玄水中黃溢金樞高深感盈縮在理信方諸氣  
機應辰至崩然眾壑虛十芒躍風輪不墜亦不濡鼇波  
激瀕洞華耀寂以舒靈潤閱終古流明施八區彼美西  
方人頰仰誠有餘

正開林獨酌谷音忠義天靈爽雲叟驚實想具樂干

靜極忽不愜掩書曝前軒榮木樊四維時禽託孤園羣  
物方趨功吾衰恆晏然本乏超世才偶脫區中緣妙理  
寄濁醪嘉名受靈仙從吾所好耳富貴須何年

山間菜已已歲饑乞米

故人念我饑貨粟仍借車歸來荒山道不敢嗟馳驅升  
斗乞東家西鄰瓶甌虛前車得傾筐後車已無餘餓殍

貞居集卷一

二

滿中野盃擊將何如

玉草

山間采三秀尙之以瓊英明麗慚水芝豐腴謝山精濯  
以玉色醪芘以玉糝羹卽此夜光草服食當眼明韓子  
自倔強但取木雞烹然本不賦甘木爲異國中添妙  
五閨持旦暮各有忠義死靈表雲叟輩實誅長樂子獨  
行非激矯僅足以遠恥明明避俗心堂堂報知己

寄虞侍講

尋壯固去矣而榮非所慕賤且老非山林之真也

聊韻五言五章寄上

拏舟惜行遽阻奉閭門宴一由出世闊幾玩霜暑變遙  
應金閨夢夜對青城面嗟余往不返曷以遣狂狷異哉  
於陵仲處此台鼎賤  
架巖棟且撓何以守風雨靈人未降室形影相賓主頰  
傾乳豹啼仰聆高松語冥寂乃尙志悅悟詎求侶咄哉  
道非窮丘壑天所與

僊人如華月照耀金銀島屢前談經席頻寫徵賢草味  
道以爲糧掄才以爲寶漢廷二司馬較之彼爲少未信  
平津侯笑視轅公老

異時皇華使一返仁壽鄉再拜丞相孫父老涕泗滂劔

貞居集卷一

三

履有遺跡宰木相與蒼感激弛張道厥嗣久彌昌高厚  
論功德山川其可忘我識丁令威不如劉子相

知北皆天游圖南猶陸沈豈無萬里風舉我埃埴襟鍛  
翻非所任勗焉息中林長吟顧汙寥譬彼九臯音寄謝  
天祿閣藜杖或能尋

種柏

手種稚柏栽荷鋤趨晴暄出彼榛穢區離立向南墩入  
夜霰雨集霑灑徧竹園竹欣柏亦悅況此薺麥根病夫  
濯足已政要雪塞門展茵蘆絮重漉酒松肪渾縣知天  
下寒尙愧一榻温自無種樹書何以遺子孫

獨行

春泥未生莎曳杖柔且平春風不鳴條振衣涼且輕我  
意本靜憊中林便獨行松蓋無曲景水樂皆金聲踽踽  
迫前岡悠悠度斜阮老樵眼如貓見我不問名直贈金  
光草疑是古先生

晚興二首

清夏晝暑舒偃仰託林麓枕冊輒酣寢把卷仍廢讀學  
筌忘有漸靜軌尋稍熟彼狂逐日者未得先償辱  
礎潤報時雨鴉啼催夕關盆荷初映水蒲竹澹相參引  
我傾一瓢頽然窗几間夢乘鹿頭舫飛度浮玉山清風  
亦何預假爾聊往還

劉宗師謁貞白墓墓上獲紫芝一本先是虞侍

貞居集卷一

四

講送還山詩云欲把紫芝歌隱德三茅應聽月

明中余故實以此篇

昔在唐天寶芝生舊館壇陰宮代劍飛千載有遺丹眞  
人帝所來上冢豈空還投我五色煙報之三秀繁瑞莖  
標麒麟寶葉綴琅玕旣副詞臣頌貞符垂不刊

偶題

蚤脩隱居服獨表外史冠無用固應爾豈唯能自寬樹  
蔭曲延坐鳥語密相誼墨卿悅性情麴生知肺肝求志  
一以遂吹萬何足論

福鄉仙臺晚步次韻季和

屠蘇我與衛雞犬一樊隔坡陀稍勃窣風葉導輕策多

君有仙氣廣顙鬚蝟袍霜赤離離巾天青脈脈手持  
金鴉鑿松下發神魂倘脩服食訣庶貸年遲迫嗟余晚  
聞道衰髮無可白惟餘太平酒粗慰長年客

書東秀閣下小室

長松老人意傾蓋蔭其根下有尺宅土上爲日觀軒迴  
互倚芝嶺刻畫分藥園巖陀曲如蝸蝸角有餘寬篆籀  
中几淨燒朮牀敷溫講書大鵬賦爲爾作屏藩

製朮煎成

發藥非一鉏獲薪當幾輿火龍勤視鼎窮日金華枯山  
精有至精紫琳比其腴芬馨達雪廬滴瀝動煙廚始防  
橋朮偷雞犬亦被驅騰以金甕儲量以翠管酌我得打

貞居集卷一

五

勞疴民察何由蘇鴻恩知出世惟有庾肩吾

次韻倪元鎮遊虎丘

振屐稍踐危援藤遂支滑尙餘金玉氣山川相映發沼  
吳不滿眼軒中樹如髮花覆闔閭城石繞生公榻適與  
幽人攜及茲暮春月坐久得忘言移鞍蔭清樾

立尚老 玄文館省郎牛仲庸諸賢雅集籌韻賦詩得綠

陰生晝寂第三字

館壇昔遊集河上樹陰成解后嗜石公初辭蘭省榮珍  
圖不停披華觴復屢傾燒香鮑靚室促席桓伊箏樵者  
本在山爲子重入城能無伐木詩相與慰平生

午日烏蜀山人

道傳柳  
公自號

鄭石門子元祐小集立

陽礪青蒲積陰叢朱華耀茲辰屬夏五撫景發悲嘯清  
颺進涼館溽雲頽高照楚狂非沉酣樂興探道妙河東  
擅雄文谷口專雅調而我結喉舌轉鍊若牛噍中嫌野  
格卑外懼罰觥酌彥會寧復得歸歟從荷蓀

傷之情多

天旣勞我晚不如早息我奚止七不堪於世無一可空  
山酒半瓢禿鬢花三朵平生仲長統誰能曲如瓊

感興

秋氣薄山木白露先蒼然如我老色至早衰豈問年旣

貞居集卷一

六

盛行復歇旣促行可延我獨異於彼去留皆得全

湖上夜

湖水夜逾白眾山何黝然遠火久亦沈菰蒲積無邊行  
雲時逆月微波暗齧船展轉自無寐城中人盡眠

玄洲新涼

偃息萬林杪葉聲知雨來旣霑槁壤苗亦灑渴心埃著  
冠引寒泉振衣迎涼颺孰云羲皇遠一適遂與儕

冠引寒泉振衣迎涼颺孰云羲皇遠一適遂與儕

冠引寒泉振衣迎涼颺孰云羲皇遠一適遂與儕

冠引寒泉振衣迎涼颺孰云羲皇遠一適遂與儕

青松夾爲門有意古人裁常見山中雲歸從門下來頂

上台仙宅根旁斗澗回由來蔣生逕豈爲俗人開

兩鳥吟乙亥子冬二十有六日

東山高樹林中有兩鳥棲下上聲相酬翮其好羽儀咄  
哉鬼蜮徒在陰久伺窺含沙中其一摧落不移時其一  
哀嗷嗷顧影長孤羈凡鳥雖累百生不與之諧朝爲雲  
中鸞暮作松上泥折我平生友淚盡書此辭

偶讀樊川詩其自遣云四十已云老惻然有感

因用其末語次韻一首

五十亦稱老髮禿更無餘舌在毋高論眼明猶細書空  
中唯咄咄夢裏且蘧蘧不恨琴絃絕常怪酒盃疏賃春  
愧伯鸞下帷慚仲舒向來高士傳於我意何如

貞居集卷一

七

紓情五言

宿植知好古託生神元朝設中非所游一命偶見逃句  
容愚迺容愚溪賢者遭顧乏賃春力人役亦已勞望如  
野田鶴未舉先防高徒貽達士嗤我景無持操

次韻張仲舉見懷

當酒悲慨深聞歌志意滿廣陵家無恙傳食諸生館如  
何山公啟早不置黃散翻覆如蠹蟬借書作妍暖一官  
魚上竹萬事蟹登籩所以鴻乙徒冥飛遂忘返

次韻倪元鎮見懷

玄句何蕭蕭咀味生華滋換著空頂幘把卷適臨池憐  
君柔緩情起我淹留思丘園歲將晏幽期方自茲

陸渾古思仙

臨海燒山中乃有一仙人自號彭先生實是鄭子真頭  
著黃絹帽小舸乘水濱時來向人間采錄脩道身世路  
皆淫濁如何不我親

是歲十一月復還茅山十二月二十日雪二十

六日得春

風從廣莫來雪落不暇整萬林旣璀璨一隙亦光炯挈  
將羣玉府置在積金嶺建節迎東皇何辭羽衣冷

陳眾仲儒學副提舉秩滿入都

春山多游雲文采美無度若人廉且貧被服皆寶璐三  
年杭州飯鮭羞亦已飲留我翠雨亭還君玉堂署

貞居集卷一

八

倪元鎮立文館會飲

親知貴狹密屢此良燕會堂陞自崇廣促食歸臥內說  
詩盛使氣屈折高李輩更端輒笑謔知節已霑醉玲瓏  
雨花亂蕭屑風竹碎政使韓伯休移牀夜相對

雨宿立文館懷惠山

十日閉春院草積青苔厚稍止侵窗雨爭鳴決渠溜想  
見螭口泉玉色動闌瑩便尋雙鳧鳥翻飛入煙岫

上巳日游惠山訪趙蒙山別業次韻元鎮

濯濯嘉樹色肅肅紫殿陰崇岡旣延眺寒泉復洗心節  
物士女繁而我得孤吟杖者足易疲移舟指煙林龐公  
豈無家魚鳥不厭深適茲芳春月就子玉山岑

次韻謝別元鎮

平生好游意於世未數數誰能長隱几局促守南郭君  
家雲林幽夢寢所棲泊顧予衰白久一見當吒喞鳳雛  
世未識夙昔有成約白衣造齋閣清童觸鈴索浪迹何  
由拘進退如野鶴向來濟勝具不借猶可著他山好泉  
水揮弄還自酌時禽集芳藪文魚躍陰壑到處一厄酒  
風軒看花落野藪間侯鯖提攜出絲絡主意亦云厚未  
容此客惡外人那得知孤雲豈無託不見冢纍纍安用  
綬若若期之采真游取味在藜藿

與水韻謁樽桑

一尺水蒼玉刊爲謁簡文臣雨再拜謁樽桑太帝君下

貞居集卷一

九

土恆寒若風雨來無垠時當二陰節夜短晝長昏家家  
曳木履朝朝挖絮帚高田陷白水立苗那得耘願借三  
足鳥老距裂浮雲暴磔鼃鼃輩曬乾鸞鶴羣羲和遂命  
駕廓哉天地分

風神青虞翁生爲龍虎山柯君作天樂說要予詩后未  
至樂本無樂天君恆寂寥鵬鷗體則殊大同一道遙吟  
詠東柯仙怡神神自超已無赤松子或有青城樵

廿未歸人日後雨雪復作

雨雪出年後青春爲白水伊誰惜光景太息巢居子詰  
朝始雷候生物具敷騰遂令楚躉者思逐龍蛇起

菴賓鐵琴詩

有序

管子曰不可呼以聲而可迎以音其蕤賓鐵之謂  
歟芳洲法師所蓄琴體製合古篆銘特佳近代所  
希有因發其義賦詩一章仍用孤山中庸子古琴  
詩韻示不忘本也

伊誰識古鐵遂將銘雅琴金木有相感況乃達人心無  
心始朝徹有耳皆哇淫自非一再行終作千丈沈素絃  
山雨慢石薦紫苔侵我來爲拂拭懷古仰何深抱之望  
虞舜願鼓南風音

揭學士舍我歸豐城大雨阻江千五日

纜舟湖濬淺出門兩腳大宛轉不能留倉卒解其縛城  
中泥沒膝想見愁無奈已束錢唐裝難鼓桐江柁疾風  
日夜作屋瓦遭掀播莫搖白板扉上有青城唾草樓屹  
不動猶想元龍臥天明望旭日一葦秋潮過

飲太乙宮次韻明德

子真天下士開口祇譚玄聚散屈伸肘光陰大小年室  
虛仙樂降飲長宮燭然道師若山雪照耀石門泉會有  
青藜杖叩君牀榻眠

十月

簷間飛蠅聲屋頭霜葉鳴羣蛙且閣閣似與池雁爭亂  
似癡蟲語夜枕不能平如何肅殺候陰類方施行老鶴  
但俛首呼之嬾能磨

四明呂與之許寄塵尾

海濱呂道士知我尙幽奇欲寫琴心去當攜麈尾來豈  
無白羽扇塵埃寧復持常從野人語聊代青松枝

吳市湯文英賣藥七世同居

吳中有隱者野服意蕭散自非韓伯休梅尉乃其伴世  
人常見之種德不自滿如何同居久尙見黃楊短

服用雜詠四首

十年著一冠一冠已三載緇塵無留跡色爲玄雲靄長  
纓安所施輕導猶足浼每彈出新沐泥丸映朝彩短髮  
不容被初服詎可改

右玄冠

衣褐賤者徒寬博孰敢擬一裘三十年昔有齊晏子寒  
溫屢開闔補綴亦云幾與衣狐貉立翻爲仲由恥信有

貞居集卷一

七

不變玉貞哉居白裏

右素褐

客從麻姑來遺我楮素衾肌膚皓難滓鉛骨滑易伸屈  
此木匡牀共葆一色純雞鳴風雨夕雁度霜雪晨楮君  
方眷眷因之乃凝神

右楮衾

粵昔大知舜有作陶河濱先民尙其質後世挹其醇我  
亦舜之徒對之稱素臣木槩仰承足秋水酌及脣守此  
三代寶孰謂吾廬貧

右陶尊

雪中用元鎮見懷韻

郊邑乍飄瞥林岫皓已盈陽簷凍羽墜陰壁素苔生擁  
衣一再起挈壺時復傾高臥足自了飢寒迫人情

盤車圖

回車指江南轡重來未已莫問橐中裝但看城門軌不  
緣車折軸有日輸官裏

二禽圖

爾鳩何佻巧錯錯繡其領一爲晴雨誤更眩羽毛整鵲  
巢豈不佳顧弄棘枝影君看九臯鳥素意良不逞  
爾鶉豈眞洴好鬪頗爭雄野田無餘穗偷我枸杞紅蒼  
鷹鳴聲飢側目在層空早從斥鷃徒自蔽蓬蒿中

泉  
一讀遠公作竹樹動涼颺蕭蕭葛衣雨朱陽不敢驕其

戲芙蓉洲獨憶青城樵華蓋未卽往雲門久相邀如何  
千峯雲散去不崇朝子立井上松頻視風木搖未信塔

貞居集卷一

十一

中人直爲艾與蕭琳瑯有道韻自足洗煩囂

中庭移石

前朝一片石牆根黃土埋人力以置之兀然向高齋汲  
泉洗其泥秀色冷侵階穩穩樹陰坐箕踞脫芒屨舉目  
視雲漢亦足舒吾懷

二君詠贈南康黃虞尙德

文有黃徵君隱居三百年所居陶令宅所種陶令田手  
把白鹿紙濯足臨斜川風吹頭上巾醉臥菊叢邊願彼  
佟儼等五子羌若賢

徵君字伯庸宋文懿公諸孫  
隱居教授尙德其長子也

武有皮將軍好書不好武化兵爲農器耕種廬山下農  
閒事畚築築屋醉石處兜牟掛壁間長劒倚松樹時時

跨牛出相過黃叔度

將軍字小山星子里人虞太史稱其好賢樂士築醉石書院於栗里

陸季道爲張元明作雲山圖求詩其上

羣山如陣帆出沒洪濤中白雲自多奇不倩粉墨工澹然相怡悅所得亦已豐石門吾故廬奚必窮華嵩

題無外墨蘭

畫風堂畫卷

蓁蘭生深林眾草連根株國香不可掩政爾山澤癯如彼上人者鷗居東海隅清風灑六合燕坐祇如如

番陽蔡忠伯爲寫綠竹刺枝題三韻

此君本孤直託根泰山巔偃爲三冬臥頰此千仞懸咄哉老澗底徒詠山苗篇

山友寄陽和茶

貞居集卷一

三

陽和有佳名來自桐君廬竹萌且濡弱荻筍已豐腴薑醯助芳辛濁醪爲先驅猪肝能累人我豈仲叔徒念此風雨中遠爲致佳蔬減詩得幽意老饕良足吁

案上釋松

松身不盈尺已有千尺勢高枝走復昂昇者偃將墜低回耳目玩屈折風雨氣那知閱世人壽與金石弊

次韻陳勛初清風堂讌集

冬仲上七日教父生其時者年負道德天爵豈入爲長眉王仙伯立宗相羽儀是日設高會鼓舞稱頌之使者亦在門少停駟騎馳再拜廣成子遙奉金屈卮客有陳校書喜賦嘉賓詩冬□無祁寒小民竄怨咨清風被一

堂物象皆愉嬉罄此今日歡黃昏以爲期酒深花韻馥  
樂細爐熏遲外省諸大臣頃刻集於斯文輯參羽蓋畫  
戟交金支肥鮮具鼎食特與老人宜前訶秉明燭再醕  
碧琉璃心存魏闕下身在吳江湄從茲至于歲屢和瓊  
瑰詞

學耕深隱

竹素爲良田筆札爲耒耜深耕勿鹵莽進學乃能事手  
鉏不貸圃辛苦以求志誰哉有餘力爲我治荒穢

爲宋直方賦菊巖

空巖何所有采采多寒華芳蕞旣藿靡乳穴亦裕衍幼  
輿一上壑豈必業桑家夕英被雲寶朝露盈石窪企彼

貞居集卷一

中林子其樂當無涯

四月十九日杭城災燬數萬家開元再造廿一

年至是復燬書異鳥一首以自解

異鳥鸞之族臆對如有訴自從羽儀成棲息無定處一

飛三十載營巢經十度普福觀 開元宮 福眞觀

玄洲精舍南山墓廬 北郭或遭惡禽逐或讓拙鳩

西湖兩遷草樓今次開元房

住在山業風飄在世劫火聚至今還露宿進退莽無據

主人向鳥言觀汝有奇趣大鵬隘六合天地亦暫寓食

汝琅玕寶置汝瑤華圃窻若瓜牛廬偷生在朝暮

初陽臺集老子注

閒居葛翁館載繙老氏書蕭然開寶蘊浩若披海圖仰

觀宇宙大頰憐心力微日月有成毀不毀獨立虛疏櫺  
既隱約巖岫亦縈紆林雨奔綠氣風花哆紅樹養生竹  
素間而我羨蟬魚總角志聞道白首將焉如

種百合

嘉名寄幽本曾曾立庭莎花房玉鵲尾垂露各偏頗靈  
根味方澹盍忍鉏其窠養生柳夫子唯種白蕖荷

陽德館新居

入境殊谷口園公類河上置身火浣宮分地度尋丈重  
屋僅庇日聽事如草創長溝貫北壁暗水借湖漲其偏  
有積石苔竹稍彌望昏慵爲我鑿靈戶擴以曠不煩運  
几席有若坐船舫雞犬安僻側魚鳥忻近傍嗟哉所知

貞居集卷一

十五

小知足乃不讓孰匪逍遙游因之齊得喪

廣德簿徐明初偕秋試諸君飲分韻得君字

栽竹未成徑修已異人羣空中無飛埃牖下有棲雲茲  
辰二三子與致豫章君坐席促尤密笑言溫且文方外  
日晷長卮酒易夕曛宰邑雖鄰近幽襟誰能分

十月笠澤觀稼

三吳本澤國厥壤獨宜禾具區區爲維天水遙相磨浪  
痕棲牛堵今獻數尺坡羣山指洞庭未若稻積多耄穉  
咸熙熙放豚兼牧鷺牛背者誰子日夕猶唱歌

魚我亭

生物均至性爲樂非外借以身而觀身於以知天下作

亭謝公墩魚我適間服奚必濠梁游循本此其舍

十月十八日夜震澤風大作明日大雪風雪異  
常又明呂甲子出大寒得詩二首

弱齡逃世網一勇以求志折旋四十載竟坐有身累大  
拙使爲巧小樸使爲器用是役於人夫豈足言智飄風  
鼓具區如我長噫氣追惟年運往通昔遂忘寐聖人罕  
言命天道昧難致委順待時來餘日敢終棄

晴煥不可恃一夕冬令變遽忘和煦恩惟日祁寒怨老  
屋雪投隙廣澤風肆便反覆鼓洪濤揚簸塞荒塹隱然  
洞庭樂勇甚閭閻戰萬物芻狗如埋沒加蹂踐凌晨劇  
嚴洄野日復蔥蒨仁哉天地心觀復斯可見

謝康樂宴坐圖

貞居集卷一

七

好爲山澤游矧此靈鷲嶼松枝蘊曲蓋草帶解玄組空  
巖收經生塔像爲賓主年何會當來摘茗付烹煮于心  
本無待聊以閱眾甫

黃晉卿提舉徐明初主簿偕游南屏以白頭想

見江南分韻得想字南字

錢湖多名魚望罟害魚長方舟澹容與亦復避鳴榔指  
游南峯寺杯水如在掌展席海鷗疑掃壁風篁響跡陪  
金闈彥興踰石門賞摘辭遺來者雋味發遐想

湖山如繡畫無復舊東南百年凋瘵餘風景良不堪禪  
榻亦埃塵曾屋猶耽耽意行何所訢取興於煙嵐長歌

肆激烈雅飲謝沈酣詎學桓司馬種柳哀江潭

龍虎先天觀十四韻爲毛叔達作

往讀戴子記蚤閱先天圖若非古樓觀定自小方諸何  
年發奇璞琢斲無遺餘後來更面勢舊制亦權輿羅峯  
旣雜還盤徑復紆徐行經濯足澗疑泛石魚湖崖傾索  
梯峻林缺表亭孤鳴泉參鳳匏歸雲羃綺疏雲上隱風  
來散華時與俱不知甘露集瑤草綴流珠縣圃垂光精  
灌漑渴蟾蜍往往服食久道師冰雪如常哦七言章盍  
受三皇書爲掃毛公壇遲我雙飛鳧

雲山圖

青山澹無姿姿媚在游雲政如老禿鬢醞藉於斯文離

貞居集卷一

七

塵獨偃蹇被物皆氤氳孰究變化蹟動靜俱可訴

和答高元璞見投

衰羸坐蹇弱況乃出無車豈無崇賢門我蹟自云疏多  
子亦好脩眉過蓬華居挈壺藉草飲洒筆臨池書意游  
山澤閒蓋嘗與之俱不知老將至但覺日不如何由反  
斯世黃髮於唐虞

南山病中雜詩

毒熱無遁跡風雨肆漂搖悠悠逆旅舍棲棲病僧寮形  
惟堯席親過午飯一瓢受命不可易養空遂能超老骨  
備眾思直用一丸銷

神蛟宅大壑杯水填外壙存身極幽眇息與溟海通嶺

上庸才雲山下百丈泝槁苗非吾過沛澤非吾功天地  
有不仁孰逃嘘吸中  
獨尋招提游果得世外歡昔賢所棲集畫象藏屋端山  
僧啟鎖魚不待啜茗乾脩廣各異製精采俱生完侍郎  
胡金華高插侍中冠眉間可容掌手版出中單清獻薄  
須眉示我鐵肺肝尚餘所施物片石櫛而剞堂堂蘇長  
公英氣邈難干邛枝紫道服天風吹袖寬穎濱與淮海  
秋色亞層巒參寥獨緇衣頰髭茁茅菅最後辨才師文  
衲高座安空山一室內舉目皆龍鸞再拜傾挈壺喜極

貞居集卷一

文

重悲酸去之三十年歸路何漫漫斯人爲列星下視沙  
蟲繁寧不念學子道路救凋殘抵舍亟摹貌微哉難控  
搏夢中儻未遇展詩時一觀

任少監畫馬

素練如平沙二駿行相追奚官兩紫髯牽浴試一騎安  
得真龍種從我駕御之

奉次黃提舉卅韻送陳性初天台省觀

金華黃太史出爲儒臺冠詩文齊六經韓奇古誰敢傳

如掇明月珠妙在九曲穿而子工筆札狗監非所薦挈  
之登龍門果獲尾時彥孜孜勤操觚矻矻勞染翰敏手  
不暇給精筆且屢換憐才吾輩事子乃羞自獻繇茲數

來往無事輒相見湖嶺錯紮紆煙靄爭變幻一昔快雨  
餘春色已消半言歸天台與俄頃語離散此手不易執  
明日枕樓飯迢迢望白雲瀑布聲許悍赤城亞滄海丹  
霞以爲岸儻遇仙者徒勿易樵牧賤予衰志求道千載  
猶暮旦老經三百家一理殘卷霜華犯冠籜墨汁漬  
巾汗何功使願果盡力輸老腕子書能瘦硬振眼秋隼  
健惟餘篋中字照我目光爛送子望涯反回日窮海甸  
春夕豈不短反側移漏箭稍夢金庭游還逐濤江亂洑  
知家庭樂旭日陰始泮身扶老人杖衣憶慈母纒還期  
當及時遲子秋水觀棲棲寡儔侶孤坐至日晏追步太  
史作用以申綵繪

雲扉分韻得山字

貞居集卷一

一九

芳春悅羣動石心胡爾頑願諸朋從樂好鳥猶喧喧追  
惟鴈詠鬧眷盼風日慳誓將回逝川永此一刻間綉苔  
有隱迹妙卉無頹顏古來幽貞廬相望屬南山寒流導  
前旌暝雲載俱還我車故逶迤庶使來者攀

雲扉分韻得作字

道言匪虛無梵冊皆矩矱予志夙有尙白首戀雲壑往  
求會心侶所遇惟寂寞空山合澗鳴淨界春陰薄欄楯  
屬煙靄階基連巘嶠稍淹林下語遂徙池上酌疏懷寄  
儻蕩苛禮謝捏齷彷彿臨河集希闌舞雩樂顧陶一巵  
酒謬寄千載託有能踵留轍將亦感斯作

九日風雨清齋旣久意態泊然

中林授衣節寒氣早已集漏戶泊裘褐凡百缺治葺窮  
居昧時序頗訝光景急叢篁助幽翳濛濛發空寂水禽  
穿屋過巖樹排簷入陶尊旣塵漬墨突亦雨立遐思把  
菊詠端處掬溜室空言非藥餌殆不廢九日

謝舍人贈鄭明德

五季雖無人獨行惟鄭張今予載同世而我匪異鄉薦  
明吾不如子則雲叟強嘉子行祕書以腹爲笥箱操觚  
仍尙左立辭多惡方吳兒命乞錢掉臂輒取將智如泥  
中龜處污深蓋藏煙庖縣火鬻蠹屋排積倉兩兒稍卷  
婁終歲足徜徉適經吳市門邀我羅酒漿犬子小名舊

貞居集卷一

三

蛾眉新畫長吾家老瓦盆無此金玉相寒林踰正色國  
豔終媚香狷者有不取聖罔念作狂願子勸明德豈惟  
家之慶異時同傳好咄哉無歐陽事更知誰謂誰謂  
則齊不粟稟崇德顧舜卿請賦補書以述爲於蘇蘇蘇蘇  
燕秦千樹栗處士比封君營窠深且安有巢何足云其  
陰食眾狙其顛宿孤雲霜林餘碩果歲暮方策勳

登善庵

先世守清閤而我益孤寒依彼桑及梓樹此芷與蘭太  
上詎忘情護養老黃冠高明鬼闕室弊廬方苟完

朝氣雜非煙初陽發晨霞指顧煙霞中締構卽吾家  
衲口淨鋤草岡頭新築沙未曙隔凡石先見隔垣花

折流十丈強赴此作甘冷如曳白練霜美人延修頸日  
曝老蛟涎雲排斷虹影不比玉鈎斜此地極深靜

小龍泓壑尊寺樂對昇平同育靈岩君

靈泉非外得清徹見泓底木根深糾蟠恆恐龍蛇起爲  
君挈茶具煎茶要煎水平生張又新續記自茲始

紫芝館

芝生玄嶺隅置之讀書堂雖匪照乘珠幽谷有耿光我  
聞隆漢日丹碧生下房小草不異昔於以表時康

貞居集卷一

七

開陽室

隨山皆北面此室求陽明翻翻披竹素種種羅芝英內  
儻首丘願外了遺世情奉君茅簷日亦足寓吾誠

阿亭

凡榻枕泉上竹樹破崖根清風無時來白晝爲掩門崖  
根立香爐泉上出窪尊考槃獲長年何有嗜欲昏

半月池

鑿池象弦月一水來不緩但令驗盈縮奚必分半滿差  
差篁竹涼漾漾芹藻暖臨池學書者詎識崇玄館

凝雲石

何年洞庭波伐此青山骨其姿絕清溫其氣殊翠兀下

將壓靈鼇上欲攀樓鶻盍觀道之擬雲氣從此發

來鶴亭

池上冢纍纍而有此仙客自無一丘樊何以容六翮冷  
然合喙鳴月露浩以白矯首太清家歸路才咫尺

貞居先生詩集卷一終

貞居集卷一

主

來鶴亭

登舍觀假良霏散以巾緘首太憊來觀湖太明只

點土氣纍纍面百北山容自飛一丘樊何以容六翮冷

洪羅靈鼇上於蓬轉脚盍觀道之擬雲氣從此發

貞居先生詩集卷第二

五言古詩

小丘藏澗阿好鳥常棲宿  
蒙籠蔭雜樹蔚密連深竹  
日光稍穿漏當晝露如沐  
橫陳木榻外顛倒潭水綠  
偃仰貴得性所以一瓢足

湖光絕溟滓纖芥容一舸  
渾渾元氣中山爲破竈墮前

境有通塞所見遂偏頗  
日出妖霧起蟲蝨雜螺贏  
岸頭濯足竟卻還林下坐

白波忽無際  
騶者爲樹林  
拏音適延緣  
漁歸蒲稗深  
其

貞居集卷二

語遠若聞其迹杳莫尋  
仙人愛空水或是赤腳琴  
昧爽差有睹遲子一再臨

洪崖仙人圖

西山有洪崖絕壁灑飛泉  
其下井洞幽湍激如控弦  
神境閱天寶先生所周旋  
世主驚識之席帽朱衣鮮  
侏儒吻侵角有若弄臣然  
雪精豈青驪預識入蜀年

金陵

金陵二開土特恩階太中  
一居五山首少林之變風  
一遷住雙徑幾陷綠林鋒  
遭遇固有時乞身豈不容  
使若避魔劫何足稱大雄

淵明

淵明真率人出處端不欺飢來乞一餐有酒斟酌之乘  
興廬山招籃輿亦遲遲聞鐘便回首更用一攬眉

漢祖

漢祖得秦鹿天與非人爭羣雄入置中四海廓以清大  
風思壯士豈無一田橫繇最興禮樂豈無魯兩生奈何  
衡石書相國取爲經三代自茲遠遺恨卒難平

白拂

窗開挂白拂青蠅皆屏營南風一向來雪縷細如縈非  
爲埽塵帚聊用相風旌

李節婦

爲其子戍作

慷慨殺身易從容行義難卓哉馮夫人憂患人不堪再

貝居集卷二

二

造其夫家合殯其遺棺獲此雙明珠置身清要端長年  
食其報貞節表縣官丈夫賊子輩生死亦胡顏

湯師尹畊樂亭

古來豪傑士往往務爲農君看帶經鋤其樂非萬鍾詔  
減田租半況值年屢豐浩歌茅屋底予亦能相春

澗河對雨

山雲油然作山雨來不緩旣霑靈石鵬遂灑寒樓館落  
木遽如許最草行亦爛有酒不斟酌無物堪把玩與聞  
季長笛窳從中散鍛代謝夫如何徒爲白首歎

步歸靈石鵬泥染居士屨不知嵐雨深稍怯布衣薄拂

牀次羣峽埽徑堆脫籜籜清坐亦偶然吾非慕仙爵

仙爵見章

蘇州早春  
歸沐五言

贈惠山僧天澤二首

吳下多名縮上人特貞素粵從西澗濱遂枉南山步秋  
澹水容寂嶺迤嵐光注縣知草露深及門方易屨何必  
有待游一往自成趣

行經桑苧祠林屋翳青朞石泉漫流好埽地設茶宴松  
蘿深復深不到看經院

冬雨

玄冥有盜面請雪以雨代澗泉借涓滴燥圃仰沾漑乍  
聆風聲勁旋看雲腳碎南方瘴癘作始覺後憂大所憂  
爲天民我久形骸外

貞居集卷二

三

述古

不愛崑岡玉不愛江漢珠愛已有蒼壁有之利有餘吾  
生爲我有其利當何如論爵不足貴論富不能踰達生  
命之情順生以自娛

荆人有遺弓索之將奚爲且荆人遺之乃荆人得之孔  
子聞之曰去其荆可耳老聃聞則曰去其人可矣天下  
有至公孔聃得其理天地且弗有莫知其所始

堯昔讓許由朝之於沛澤若曰十日出焦火乃不息天  
下旣已治歸矣復奚益遂之箕山陽飲水耕而食泊然  
終其身無經天下色

魯君聘顏闔踰垣避使者我非惡富貴君胡獨不捨全

生以爲上迫生以爲下當知得道人治國其土直  
墨子歎染絲所歎一何長染於蒼則蒼染於黃則黃奚  
獨染絲然染國在所當有染如伊臯禹湯稱聖王殷紂  
染惡來旣染國亦亡染士如孔跽死久道彌光

虞人百里奚所鬻五羊皮有得其說者乃是公孫枝獻  
諸秦穆公四境不足治賢者儻不遇後世誰當知

昔者齊桓公往見小臣稷一日凡三至欲見且弗得驚  
爵固輕主驚霸亦輕士大夫縱驚爵驚霸吾敢爾所以  
終見之不爲從者止誰云內行缺論霸亦可矣  
桓公遇靈戚飯牛中夜起賜之以衣冠六說境內理再  
說爲天下桓公以師事衛與齊不遠安用疑客子不患

貞居集卷二

四

有小惡所患亡大美且人固難全用長當如此

嘗聞柱叔厲早事喜敖公敖公不爲禮入海滅其蹤及  
聞公有難辭友往死之昔我之去彼自以爲不知今而  
弗往死是真知我非節行在所勵君心徒自欺

齊有善相狗假買取鼠者數年不畜鼠畜之不如捨相

曰實良狗志在麀麀鹿欲觀取鼠能請桎其後足桎足  
乃取鼠淹爾驥瘳氣安得忘言徒喻此鴻鵠志

業煩則無功禮煩則不莊令苛則不聽禁多則不行國

人逐狡兔因之殺子陽嚴刑無所赦適見召亂亡

燕雀爭善處處在大屋下媁媁甚相樂子母得相哺一  
朝竈突決火炎屋棟燬燕雀色不變不知禍及己人臣

私聚歛迷國壞綱紀孰謂斯人智不如燕雀耳

明靜院夕佳樓晉卿祕監絕宗法師同賦

西山朝氣爽南山夕氣佳朝爽人共忻夕佳吾所懷山  
僧閱世久結廬深避乖蕙樓將對峙菌閣亦雙排維南  
列崇阜不受煙嵐埋我亦遲莫人心迹倦鳥偕茲焉託  
高躅庶與靜者諧

惡木生道周

惡木生道周高可數十尋當其有美蔭下足庇千人中

貞居集卷二

五

空狐豕穴外腐蟲蠹侵結蟠幽暗地棲宿不祥禽雨露  
何其偏望之有餘陰所歎百年物負此造化心

元日齋居

寒澗去年水冰華殊未銷亦知餘臘在凍雪對封條春  
王謹歲始由來重三朝野褐無朝次端居惟寂寥鑪焚  
芳氣達榻暖尤煙飄頽齡諒難制修短寄一瓢所願永  
貞吉無忝於山樵

閒止齋詩

有序

黃監爲張子英作記其論閒止無餘蘊予獨愛嵇

叔夜賦琴有曰非淵靜者不能與之閒止然則閒

止之趣惟靜者得之蓋予靜者之流爲賦五言一

篇極其旨趣與子英商略之

張侯溫玉質被服謝紈綺居然冠蓋徒眇然山林士昔  
人亦有賦閒居因拙仕自無止水鑑何以止眾止攬芳  
玩華藥探玄味圖史子孫遺以安考祥視所履若將與  
日競付之當塗子  
種樹  
植梓五十本移松八百栽山靈借好雨似爲道人來青  
意爭鬱勃細聲亦吹灑松如穉子長梓長未盈把吾衰  
詎能待將以蔭來者

游靈鷲諸山洞

碎此空青寶納彼黃金龕水流澹無與石色終懷慚顯

貞居集卷二

六

途讓羣趨幽罅恣窮探紅泉浸短草翠雨淋長柵靈暉  
久似佛妙語將誰參爰公亦自慰復聆勝士談前旌罔  
兩避後乘拙朮驂周旋蟻封中丘垤皆精藍菜肚乃知  
足爲目庸非貪惟當專一壑久矣投吾簪

三月十三夜對月

幽篁不見天況乃見月色晴來春尙佳豈不有餘日離  
離花氣上稍稍簾陰直啼鳩夜不暝聲欲碎巖石聞聲  
思逾寂悟賞在茲夕

天柱山暑飲卽席次玄圃真人韻

灑地晚移席開林涼進風玄蟬有逸響青山皆妙容時  
將河朔並興與竹林同沈酣非我事政須時一中

澗阿晚興四首

寒山雨連夕，渴澗生微波。沮洳散雞犬，落葉紛相和。雲歸忽破碎，返照石子坡。獨憐一叢菊，慰此晚婆娑。

臥疴畏初寒，雨餘就西日。松葉風漸晞，竹竿暝猶溼。閒房書冊散，密戶香煙集。自非縮衣徒，誰共開陽室。

殘日照西窗，窗下幽人臥。不知何樹影，片葉斜墮秋。風遽如許慎，勿裂窗破使。我不學人差，看隙胸過。

冬菜不滿畦，一雨有佳色。茆栗與烏柿，傍舍亦易得。魁然紫蹲鴟，風雪要續食。盍無一卮酒，沃此老饕客。

夜坐

陰崖夕晡，靄靄燈火翳。茆茨炙足坐，匡牀對影見。冠欹睡

貞居集卷二

七

思浩如雲，雨聲甘若飴。新泉落澗壑，寒鐘度嶺遲。貧滋衰疾態，閭展冰霰期。所訢歲功成，詎作徂歲悲。

范侯商皓年，能寫鷲鳥樣。亭如鸞鶴峙，潔白以自況。老

陳柏字新甫

拳當奮擊，致力霄漢上。晚乃脫羈鞅，刷羽氣彌王。俛首

若有思，長風為懷愴。柏也蚤剛狷，棟隆真強項。于令亦

蒼皮分老此，雲嶂幸哉冰霰餘。一睨煩大匠，要非塵中

物親近，容跌宕願保歲寒姿。追從丈人行。

范九功照磨伯母貞節詩

婦人以節稱，亦既不幸已。所賴形管筆，猶足傳信史。卓哉王夫人，天姿鍾粹美。嫠居四十載，有誓如白水。朝廷

錄貞節閨閣照閭里皇天非無私報之以猶子遂令柏  
府間一代清風起

還山有作

春山雲霧裏竹樹相蒙密澗頭汲泉來竹根煮筍喫青  
煙出林去台和雲霧溼

九日明淨院蓮社

精藍一坐具如是法幢建香雲塔像湧花雨門徒獻淨  
社得招邀比鄰託嘉遯持此大同觀結彼清淨願高座  
論辨才而我忘所問惟應支道林別出逍遙論

揚彥常中第

賣樵入城去因鈔黃榜回左榜見君名衰顏爲之開故

貞居集卷二

八

都挾濤江生必名世才白屋有孝廉吾意久屬猜看君  
扶搖上夔龍與趨陪朝廷好官多歲月袞袞來旣獲當  
世名毋貽後世咍

施少霞詩卷

我觀好漢詩人好溪亦好子從仙都來相見恨不早曲  
局文字間禿鬢如霜草所以思廉翁持身以爲寶

藏六室

六根旣互用孰若退藏密了知禪性境卽此藏六室一  
息一千年主人無出入還君支牀殼借我龜毛拂

遊壽本庵

寒林日將春陰墮冰猶膠柴荆臨斷岸試策獨木橈守

庵敬愛客遠屏雞犬鬧既喜浴槃深未覺茗椀燥蠶香  
折齏凍灰熱埋栗爆杜康豈不賢喚我曲肱覺一適忘  
百慮澹泊從所好雖無剡溪興胡然遽返棹

贈元鎮

龐公有名言魚鳥託棲止而其遺子孫亦在安而已子  
有上壑趣文弱與時背強梁方蛇吞貪黷亦虎噬何以  
犯多難適爲田業累深泥沒老象自拔須勇志連環將  
誰解旦暮迭興廢所以明哲徒置身興廢外賢哉遽伯  
玉知非復何悔

追和陳子貞賦得窗上水影

綺疏臨碧澗陽采薄風漪縠紗相蕩摩剝景不自持陰

貞居集卷二

九

沈憐霧幕泛濫許魚吹所欣自然文朝徹有奇姿寧知  
落月梁尙繫故人思

許伯游野處

我行龍山陰委巷屋西東茆簷手可接入門忻素風飲  
次陶匏列坐外圖史充自稱野處民樂此畎畝中邈然  
千載上獨慕許箕公

洞庭臥遊八篇

有序

比游惠山僧持晉卿雪竇詩閱予清峭散朗讀之

忘疲日還震澤田舍洞庭諸峯出沒戶外規一往

迫歲暮適展此山存上人清遊舊藁一一標表其

勝使人神遊七十二峯之間於是用黃公韻而采

存公諸題遂成八首命曰洞庭臥遊篇存之藁有  
淮陰龔聖予跋云如古師德行道坐珍果樹下取  
自墜者信緣而食不與獼猴較得失多寡以此論  
詩益奇使髻龔及此唱和不知作何語以相位置  
豈例以老獼猴目吾徒哉至此不覺一莞爾也

太湖

五湖之總名

漾瀦魚龍戲僻側鳧雁宿併吞三萬頃寧不爲小曲唯  
應鷗夷子曾泊西山麓

天王寺

卽桃花塢故基鑿井得銅天王像故名寺

深寺隱桃華幽幽在山阻諸天藤蘿外昏黑路防虎聞  
說春時遊辛夷花可數

貞居集卷二

十

東小湖院

院在山頂殿前兩小池無底之谷云通太湖故以小名

淨坊臨絕頂陞納兩池水雲生佛足下月墮天目裏不  
躡五湖根塵渴何由已

華山寺三泉

古傳其地生青蓮華因名華山有唐會昌斷碑云大殿左右多

靈泉是矣

寺以華山名一一靈泉瀉會昌舊文字毀壁存牖下往  
劫蓮花開曷以信來者

黃公泉

相傳夏黃公鍊丹井水紺碧無滓

黃公鍊藥處遺井茲丘上何年一泓碧裊博照容狀不  
意樵者歌猶聞紫芝唱

上方寺

寺前遠水名消夏灣傳爲吳王消夏宮故址又有馬迹橋

橘林千黃金林靜路逾僻忽臨消夏灣雲海浩如積綺  
季不可追空餘騏驥跡

毛公壇

昔有仙翁體生綠毛要皆秦時避地於此

方壇蔭奇竹儼彼毛骨秀想見黃眉公時來濯冰溜一  
往不可得尙問何日又

龍洞

在靈祐觀三十六洞天之第九也乘小舟齋燭炬可深入洞前有古桃樹惟冬

月著

花

山中春水泛蛻骨長於樹拏舟探穴口甚深不敢度窮  
冬桃始華爛然珠光處

陽德館幽居八詠仍用韻

宋行在九山宮觀隸御前者凡宮觀皆有

館以居道流開元宮陽德館是也

貞居集卷二

十一

得月軒

每愛龐公言人生在棲宿隨地著半椽水石其隈曲嘉  
此得月名蟾光照西麓

浴鵲灣

鵲白非日浴性本好臨水雪毛不受污拍拍春波裏要  
非塵中物近玩豈得已

來鶴亭

孤亭負蒼壁羣木帶清瀉時有羽衣仙適從青冥下此  
來知爲誰當爲有道者

拜石廳

石當米老拜靈爲簪紱阻望塵何人斯彼爲畏石虎煙

痕一枝足牛氏甲乙數

蓬廬

一篷僅蓋頭坐我浮槎上夏木有奇陰春卉無俗狀園  
鳥何許鳴似答漁樵唱

藥井

甘泉旣冷冽靜界乃深僻石曰丹砂窖露螫毒蘚積有  
瓶居井湄飲者視其迹

梓樹坡

短坡常側足蔭此嘉木秀接葉障斜暉卑枝拂殘溜巢  
鵲歲歲來哺子今看又

黃篋樓

貞居集卷二

七

黃篋織文浪丹梯插珠樹時就北窗眠遙見西泠渡何  
如風篁嶺層層聽松處

魯東泉學士以多病故人疏爲韻賦詩五章見

寄依次用韻答謝餘見五言律詩

幽憂緣底事終年常抱病閱世悟炎涼觀物感衰盛皮  
裏有陽秋目前無凡聖嚴霜彫眾草松柏見本性  
古人誰復見但見新人故昔日衣錦城於今鐵鑪步  
試看明月輝不礙浮雲妬誰能強笑面百摺如嘗醋

日覺死生忙因書四韻予豈效寒山子者

人生浪自苦古今無一了雞命湯火間嗶嗶猶戒曉預  
憂復何益轉使髮白早不如墮酒糟糟已無壽夭

金陵豪華地鐵冶久寒灰大江流日夜山作飛龍回簫鼓有遺音梁王安在哉  
嘗讀枕中記華山閼中吳神泉發其顛青壁繚其隅春風四山來羣綠互紛扶羽觴曲折行淨花與之俱採珠攀薜荔洗玉弄芙蓉聲斐頗好名石窪作魚湖鴻乙志草堂挑煙遂成圖而此滌煩磯閱世如榜蒲發興雲林子盥手與我摹居然縮地法挈入壺公壺

醉書贈張子昭

我愛張雪崖崖雪白於齒顧我粲然笑留我隱烏几家

貞居集卷二

三

貧徒四壁四壁面圖史蟲魚斷編簡貫穿窮首尾豈無魯諸生安足與議耳或追西園蓋或曳東郭履或倚歌姬筵或走賈胡市見我相媚嫵入俗諧鄙俚楚狂去已遠恕先差可擬有子孝且廉異日茅季偉我非郭林宗知人乃如此此詩猶足徵不信如白水

和楊廉夫游虎丘仍次東坡先生韻

日出東海頭虎氣踞茲嶺渴心望氣往解后轆轤井盪若軍中拜奔泉酌老耿莽丘專鬼物陰壑雜蛇鼯魚腸臥池底百鍊豈重礦以問神物化後日屬吳猛怪蟒旣血刃大道孰爭騁我行須人扶鳩杖漸視哽小吳不滿眼坐納三萬頃化國日方長霸業久灰冷淞水翰歸吳

愚溪柳遷永吾非斯人傳短句惜流景茶煙寄禪榻弄  
我鬢絲影散人初無號奚必煩上請

適得穉松一本絕奇因裁坡詩一聯標之曰霜  
根□雲蒼皮護玉誦此語已足想見且賦詩以  
寫其形似云

松身不盈尺鑿山因獻根其根遂三叉鬢結不可分欹  
傾爲蓋曲蒼翠若雲屯藉以丹砂牀盛以雪浪盆小作  
千歲期與爾共朝昏  
天日蘊靈秀石精霜露腴羣松有異產夫豈擬拘株鱗  
鬣具蜿蜒形模陋侏儒眇然臥一壑氣欲凌千夫萬牛  
不爲挽俛首歸吾廬清風莫逆故摩撫蒼髯須砂牀填  
其根虹采錯珊瑚伏靈潛其陰于歲名江珠鍊脂服日  
覆命與天壤俱維此至神物以養山澤攸

貞居集卷二

十四

次韻錢舜舉題自寫山居圖

秋風動巖樹歸鳥何其翩我思巖中人可以樂忘年夫  
君本詞客畫手故作妍吳興圖畫藪有爲時好遷上巖  
雲積雪下巖水鳴絃展卷纔尺許坐對兩忘言

南窗對客

且寒坐南楹顧望朝日昇須臾向中晷虛室和且明一  
觴未及酬簷影倏西傾人生會有歸天運且無停自非  
參契同何以反頽齡

冬至

閭閻變鄉井，寧復俎豆事。每惟節序及，轉歎風俗異。追  
言竹馬歡，久忘芻狗棄。尙憐半簷日，從我作和氣。同履  
迎長候，老乃日短至。政使毀乾坤，此易未嘗廢。

雪齋

謫仙有妙語，清風灑蘭雪。高懷千載下，子獨慕芳潔。春  
水斷，瑞花長露滋。奕葉端居味，道腴光景庶不滅。

至日齋居偶題

積福如積金，歲月知幾何。棄福如棄土，享用惟益多。此  
積無窮已，裹蹠出淘沙。彼棄不知覺，土崩方塞河。用示  
同學人行止，勿踐跬。

計籌山四詠袁安道請題用黃晉卿雪簣三韻

貞居集卷二

五

東隱

華房人罕至，時許白雲宿。有信樽桑岸，近在封禺曲。隱  
者所盤旋，坐斷東山麓。

雪齋

騎驢吟雪詩，煮茶煎雪水。何如埽一室，置身虛白裏。君  
家有故事，高臥殊未已。

觀泉軒

石橋東飛湍，至此方快瀉。匡廬有三峽，出我枕席下。自  
非醒眼人，孰是憑闌者。

環翠樓

丹樓出林表，四顧極幽阻。羣峯所環合，白晝疑有虎。翠

氣深復深層疊不容數

次韻僧易道見投

秋陰稱幽抱未覺相戰勝卽事表空寂况復臨水鏡安  
得寒山徒共此林下詠尙餘一句子付汝親究竟

題息齋竹卷

李侯製竹譜畫法論毫芒晚乃與神遇脫略驚大方目  
中無全牛芻次有篔簹此圖遇真識吾詩其併藏

李仲賢淡香亭

齋居玩芳草佳花鬱成行探服以延年壽母樂且康金  
昆玉季間祿隱聊徜徉惟應澹中味書傳自生香

舊和喻千巖游南山五言追錄於此昨唱和凡

貞居集卷二

六

十三人見龍井志

把茅結方圓辨予所回向至入了一榻寧假棟宇壯佳  
哉南山氣浮我眉睫上傲廬篁竹外有路入雲嶂田父  
昔與鄰春歌聽成相柴桑不作遠日夕時在望清譚付  
公等歲月增恨悵蜜殊果能來爲割山蜂釀

白桃花此予四十年前之作得于仇仁近集中

離離倚風條翦翦渡江葉天天綺靡叢朗朗有姱節春  
空妙質迴微雨暗彩睡仙李如有素董杏差與列幸避  
輕薄名偶同豔陽月華觀固不察諒與立賞愜

醉里王國輔以樵雪號請賦詩

昔聞蕭侍郎住在郁水坑負薪時入城徒跣雪中行茅

矣無炊煙路絕澗谷平唯見大人迹步若飛採輕泉塘  
有奇士希慕古先生求之不可得尙愛樵雪名後圃游  
洞臺稍聞樵斧聲行尋黃獨苗遲此快雪晴

東坡笠屐圖

步過黎子雲不憶風雨至借渠雨不借一笠蓋天地海  
上得生還所養浩然氣束帶立於朝毋使屨也吹

撫州僧古清畫龍作雙劍圖求一詩虞公有敘

畫龍畏眞龍此語聞已熟眞龍豈常見畫手非一族阿  
師何善幻神物如豢畜金壺灑一滴海水爲翻覆向來  
董羽輩斯藝亦云獨龍眠早畫馬復恐墜馬腹晚更寫  
佛像滿月照巖谷師何專於龍意若龍眷屬龍女且成  
佛回向恐不速請寫雙樹林長禮金仙足

貞居集卷二

七

西林寂字韻

龍井據上游我居城左僻湍奔石與鬪雨響山爲寂偶  
然共禪悅詰旦風掛席勿笑泥塗閒常有大人迹

是身

是身如浮雲羣遊天壤間悠悠眠食外動靜莫相關自  
從知有此受用干劫間飄風鼓海岳斂迹無所還

送性天然集慶懺首六人分韻得華字

辨才歸隱地聿爲名德家若徒吾與鄰過嶺輒分茶一  
聞東掖香樓開徧塵沙西山大招提懺席天雨花夕誦  
燈燭繁晨暝隨鼓搥勿厭與眾勞縱逸聖所呵出世眞

細事此事不容誇不遇雪堂叟終遇老毗耶

本無秋海二上人鵠灣月夜彈琴

五尺青石牀三面樹陰遮拂我黃金微露氣薄袈裟肝  
鬲既冷冽不可加以茶一杯彈一曲酒盡月西斜

生世

生世乃如此太息將何成一刻使爲吏百年夫所生頽  
然老黃冠何者身後名常持一杯酒不復問公榮

盱江李真白胥叔大持黃殿士詩來見比還用  
韻以送併酬殿士

拏舟指靈舳濯足戲清波漁釣皆吾徒耳熱叩舷歌秋  
水明於練秋雲薄如紗翩兮兩黃鵠過我雲水家因之

貞居集卷二

十八

尺素書寄此八月槎起視叢桂枝雨涼綴金花履霜懼  
堅冰歲月走驚蛇黃公商鵠流茹芝餐日華風燈無永  
燄能施重幕遮將求歲寒子飛心隨落霞

南巖分韻得陰字

西南一丘壑良會始自今旣許陶翁飲復招穎師琴淡  
泊適相遭彼此暢冲襟豈無金谷序何足擬山陰

歸雲亭爲竺初僧作

青天妙湛體白雲無所住於無所住閒信有歸宿處卷  
舒不盈握要以無迹故開戶是青天閉戶還春雨

李壺之饋石芥

桐廬有石芥託根至清冽蔬譜久著名未獲躬採掇故

人遠見餉啟岳涎流頰端疑石髮瘦稍異尊縷滑雋永  
求正味似爲鹽醢奪不然山澤臞迺讓薑桂粹豈非時  
俗氣草木爲改節柔和悅眾口甘與非薤列吾寧事辛  
苦還山拾薇蕨

春山不題墨蘭贈別于一山之京師

三月愁送客春寒雨如霰冥冥返塞鴻悄悄棲梁燕揚  
帆五十日蓬萊望中見欲持猗蘭操一奏南薰殿

張師夔畫謝家池塘

春風颯然至幽人午夢醒遙見池塘綠不知春草生如  
何騎馬客亦向夢中行

春山晴靄圖

貞居集卷二

元

危亭面懸瀑深陽著茅堂羣木相掩薄風披如有香避  
世真樂土欲往川無梁隱淪儻見招歲莫從徜徉

再賦天池

龍從古墩巨泓潭浸其股金碧爭蕩磨穿穴稍旁午斬  
松羅石榻立芝錯神許遙應玉女盆潤及黃精圃

濱洲雲巢圖

張彥輔畫

蒼山不受寒裹以白兒羅借雲以爲暖我意不在多小  
營丹鶴巢高棲翠雲柯飛仙度鸞笙老人臥雞窠誰能  
江海去風雨一漁蓑

寄題劉彥基丹室

昔聞冲虛宮遠在錦江頭往來多異人東望不可求借

問鴻寶書枕中今在不尙餘一丸藥光景夜不收食之  
生羽翼飛去十二樓下視何蒼蒼至情難久留我將拾  
瑤草遲子於玄洲

道言

造物於我厚一切使我薄瓶中有儲粟持此臥雲壑弊  
衣取苟完得味在藜藿花鳥予友于尊酒不獨酌牀頭  
堆古書敗履置牀腳未嘗身沒溺何與世濁惡正如散  
馬牛不識穿與絡異時老鬪饑曾有南面樂

耕漁軒

幽人薄世榮耕漁夙所喜朝耘西華田莫釣洞庭水浮  
湛千戈際無譽亦無毀釀秫雲翻甕鱸魚雪飛几客來

貞居集卷二

十

具杯酌客去味經史緬懷清渭濱何如鹿門裏往者不  
復見斯人亦云已努力勤所業庶免素餐恥

趙子固墨寫水蕉

已下見玉山雅集

因依水石間小蕉露如洗聊以觀我身浮脆政如此平  
原佳公子泚筆寫蘭茝君看數寸碧氣壓凡花弄  
大如昔賦鶴巢贈趙伯容次虞伯生韻

仙人有騏驥結巢華頂松上覆三素雲下立千仞峰笙  
吟微度曲雪步稍留蹤羽衣何頗然云是趙伯容左帶  
明月璫右佩蒼精龍誰令三青鳥銜花以相從鑿戶繩  
樞匿藏書玉檢重悵望浮丘伯人間儻再逢

觀雲軒爲盧伯融賦

泰山膚寸雲翻手爲白衣朝旦雲出戶景落雲守扉我  
家東海上開軒人迹稀觀物有成壞觀雲無是非一塵  
跡眾目野鳥隙中飛所以子壺子示我衡氣機

冬日

雨雪衡門晏陰景薄山阿飛鳥各謀食媿此養微疴餘  
生轉晦昧芳歲亦蹉跎勿云幽疾久去疾將如何

貞居先生詩集卷二終

貞居集卷二

三



貞居先生詩集卷第三

七言古詩

遊仙都山黃帝祠宇

軒轅去時昇鼎湖羣臣號弓龍垂胡祈仙之天有非無  
何年配此名仙都一峯削立天柱孤曾有風墮金蓮跣  
玉女洗頭水一盂淪沒九鼎談何迂百圍大木如插須  
鈞天往往聆笙竽安得飛行身不助大坐其頂頰入區  
卻垂鐵鎖招吾徒

延陵公承慶堂詩卽龍虎山獻立教大宗師

大江蒼方兀龍虎輔元之家百神頰望拜受釐若稽古  
上清真人閱眾甫新宮潔齋導天語紛雲郁霞錯承宇

貞居集卷三

一

虛皇穆然陽衛武左臚右欵降軫羽縣鐘鏗鏗一作迅

擊鼓赫金祭服赭朱戶雙珠月明帶寶璐挾以流黃玉  
檯具旣竣大禮私事舉吉日宗族奉爵俎青紫曳地簪  
綬組魏張代劍新捧土饒國開觀治宿莽報君親師物  
咸覩撫已一念或未溥西壁考書立範府寒水層陰發  
春煦日幽若明沐仁雨道德大非方仙伍月佩六印非  
過取持旌趣召迹旁午下土滓盪盪久處天關會規足  
蹈矩願天願地多黍稌畢志萬年奉明主小史作詩孰  
敢侮吁嗟厚德番之祖

食芹有序

碧巖下澗產芹今雨實繁谷水瀏如霜露旣降採

芹之美不異始春賦七言爲水食張本  
去年石田脫亦旱今年行菜潦沒馭何以療飢無紫芝  
一味青芹生碧澗空谷從誰種香草有魯東家水如泮  
朝吹芹齋齒牙響暮作芹羹咄嗟辦記攬來燕動春泥  
看茁秋根啜新雁采采青絲八千尺泉上落英爲老伴  
愛日心同野民獻家園夢想於陵灌更問天隨二畝塘  
生計相依歲年晏

題江鄉漁樂圖

水翠紛披秋唧唧激靄汀煙帶墟落廣居安宅一篷了  
行人應羨漁家樂風波終要茅三間柳根觀書意自閒  
滿眼太平雞犬靜乞身老向畫圖間

貞居集卷三

二

早春對雨雜言

寒谷望春如望赦雨兩風風惡相嚇牀頭敗絮未嘗溫  
石上瘦花渾欲謝三時儘辦禽鳥鳴合澗助爲風水聲  
白水田頭漫無路老鴉種麥已青青朝晴獨見扶犁叟  
人生合作扶犁耦不須識字只耕田酒杯也到扶犁手  
次山人韻  
不能誦詩逆龍鱗不能劇秦而美新旣黃其冠豈無用  
不能賣符稱道人燕鴻似避春秋社鹿豕與結東西鄰  
低頭老鶴同飲啄世網難嬰當自珍

浚儀公鳳頭驄圖

鳳頭之驄高八尺天上龍種來西極開元四十萬匹馬

此馬入貢初未識回紇使者行且牽織罽覆之如絳煙  
王孫何從得此本絕筆韓生五百年

煙痕石

廬山一峯似香鑪我有峰石香煙孤微風裊煙宛而舒  
縹緲意欲翔空虛奇章公家甲之上不信請視煙痕書

題燕文貴江浦歸帆圖

右圖羅大監得於燕都持以南還翰林侍制虞伯  
生題長句其上羅旣沒余遇圖於錢塘遂次虞韻

書于左方云

夢載神山飛左股又疑石墮星如雨決皆浮雲接混茫  
滿意遙峰專媚嫵陰崖連林子午谷洪濤隱岸瀟湘浦

貞居集卷三

三

浪迹先生真憤見持以遠遊歸玉斧柏舟本具詩人興  
藻思孰識良工苦雨暗笞箠日之夕水闊兼葭路伊阻  
燕家當時號絕景空餘粉墨悲黃土精微擬並江都郭  
麤疏直唾長安許一從玉匣變坑灰或散珍圖要海賈  
昔唯牟碑能墮淚今豈貂璫獨懷古羅君少日官黃門  
御題往往巾箱貯北去心搖漢日縣南歸骨冷河冰涸  
三館瑣魚隨壁梭曝涼故事猶能舉荆王化家作蕭寺  
祇憶金波山數堵羃翠歌成當自寫摘瓜圖在從誰語  
樓船萬一有神藥未了人間一炊黍脫知書畫真有益  
正用此意聊相與斷縑流傳三百年得失尙關榮辱主  
從知玩物亦偶然還吾長鑱投老圃

次韻鄭明德徵士有懷王仲德長者

有美一人陽羨陽玉立諸郎天所償君家世德三百載  
尸祝當有一瓣香我嘗句曲道溪上往覓故侯環慶堂  
不問主人徑看竹竹閒好鳥如笙簧君方沐髮起延客  
日能誦我凌雲章旋張珍圖娛坐席別置華尊開酒場  
藕花玲瓏水堂夜風漣雨葉爭琅琅至今欲往便羈絆  
浮埃聚散非可量歸來錢唐一千日飲酌湖水不滿觴  
經營屋廬蟻旋磨被服詩書鶴在梁聞君將理畫溪棹  
尋我會來丹井傍論文喜得鄭徵士神光樓外菰蒲涼  
不愁□夜長更短只怪同年青鬢蒼

趙仲穆秋曉晴嵐圖

貞居集卷三

四

白雲不來秋向曙寒旭未開陰似暮層巒疊岡如肺附  
空翠烟霏莽迴互深林慄冽還悽迷沮洳略約緣東西  
丈人荷鋤乃佩犢天姥過嶺猶聞雞訪水尋山足力頹  
暮年借畫醒心魂董郎仙手不可作祇今唯數趙平原

贈吳孟思

篆隸相沿屬諸李於今濮陽數吳子斯冰籀法神授予  
潮也八分奚足擬昔年胡公汲仲父爲予長歌書一紙  
予今最藝何可忘喻以識路行萬里故廬隘巷屈長身  
石經碑版相填委祝融回祿端相子空諸所有斯可已  
朝廷甚大秦漢小遲子銘鐘勒黃耳

建鄴青溪堂

青溪一曲清如許羽人築堂據溪澗簷開倒景浴朝暎  
鏡裏圓文寫春雨碁聲時驚白鳥下廚香日采青芹煮  
寄語平生孔稚圭鍾山草堂元不數

贈常廉使道夫

司馬大人夸子虛大人政爾山澤臞先生堂堂出關陝  
列仙之儒乃其徒泰山行車厭盤詰東海投釣嫌窻汙  
三臺總畏眞御史一世獨爲道丈夫手挽長矢射貪狼  
復操快劍戮蠱狐日無全牛神轉王妙在善刀而藏諸  
衣冠制度化夷獠中瓶給侍憑僧雛峩眉看雲西崦迤  
洞庭弄月君山孤老臣再命三品服謁告條爾觀東吳  
驀過城邑訪巖窟玉川破屋驚長須雨苔攝衣初斂衽

貞居集卷三

五

風泉繞榻同跣趺昔從受道依勝力今許問疾隨文殊  
爲憐魯鈍暗摸索脫手解贈衣中珠凌晨遊興不可遏  
武夷之君人得呼時當兩涯秋水至天吳海若爲前驅  
便從九曲上天去先生騎龍我騎魚

古洞簫引

蕊姥山頭有奇竹般匠遇之裁紫玉慷慨優柔徐度曲  
空洞之音何肅肅此物先時隨伍員百金之劍久離羣  
古人隱忍成功烈末世哇淫何足云

題畫扇

翠水丹山氣磅礴幾疊香痕經手握何年破鏡飛下天  
吳淞水翦并刀薄江南寶繪多遺餘王孫不歸恨蘼蕪

麝蕪消歇秋風起班姬爲我歌烏鳥

唐宮女削瓜圖

避暑宮深綠槐影水浴龍鱗金蕤冷試呼碧玉破甘瓜  
味較玉魚津液永唐宮佳麗絕代無唐朝女禍何可誣  
誰謂丹青不解語黃臺聞有摘瓜圖

贈顧生書其松月軒壁

昌門舳艫雪鴻迹逆順風前俱過客君家住近古城隈  
市聲書聲一簾隔長河夜靜開冰匳微風入樹梳蒼髯  
歸來儻有張翰輩爲埽君家松月軒

夢仙詞

蟬蛄不識蟠桃樹青鳥飛來賞燕頻半核才盛一升酒

貞居集卷二

六

再花已是八千春金盤在賜漢武帝青腰先送魏夫人

惠山茶

水品古來差第一天下不易第二泉石池漫流語最勝  
江流湍急非自然定知有錫藏山腹泉重而甘滑如玉  
調符千里辨淄澠罷貢百年離寵辱虛名累物果可逃  
我來爲泉作解嘲速喚點茶三昧手酬我松風吹兔豪

夢中書所見

青壁倒懸五百尺石廬居中纔丈餘洄潭斗絕不可渡  
望見玉牀安素書安得半瓢青飢飯長年爲埽仙人間

陳信大拙陳孚小拙書二拙傳後陳信者古愚

別號陳孚繹曾也

大拙先生拙於官小拙先生拙於言拙官太常新政政拙言文史工討論陳信可名爲大者不能自比魯仲連陳孚所以名爲小老死不得歸田園

陸子方寫小像於松鶴圖要子賦詩

愛松徧遊天目鳴好鶴爲覓華亭侶松來映戶鶴歸籠十丈黃塵隔環堵紫髯蕭蕭共掀舞仙骨稜稜欲輕舉巢居閣下一片雲隱居樓上三層雨不似君家道氣濃藥籠陰功何可數三壽作朋入閣畫畫出分明養生主

王獻之保母帖

興盡朽骨雙松下經過無人知下馬斷甌破硯出黃閨乃屬錢清同姓者文字刻畫殊草草熟視姿媚乃瀟灑

貞居集卷三

七

苦評此甌八百年不見羽陽銅雀瓦

興盡李雪庵學士寫竹枝

昔我入朝皇慶初及識此老蒼眉鬚殿頭金榜插巔屨海底鐵網收珊瑚洋州竹枝氣相敵涪翁病書誰足摹金色頭陀去已久獻花還自有門徒

高尚書山水仲川弟請題橫幅上

我識房山紫髯叟雅好山澤嗜杯酒政事不減李長源畫中乃復稱仙手規模北苑出新意卻願巨然嫫母醜此圖仍是江南筆米家父子應鉗口卷藏閱歷五十載雲氣依然投戶牖剡藤何知得所託一代精靈豈枯朽南山做廬圖寫徧壁埽黃泥無復取吁嗟大賢不可作

老矣向來牛馬走舉圖還君百憂失臥聽松風搔白首  
送韓景賢學正還京口

李侯爲郡廉且慈江左諸郡諸侯師上煩天子賜束帛  
宰臣爲撰學宮碑廣德韓君貳學事來杭向我言如斯  
又言小民皆足食翻笑推官無馬騎

推官張率性也李侯總管士盜也

雙鵠

三株喬梓屋南垂大葉新條青陸離一雙乾鵠定巢處  
開樓近接朝陽枝我辭深林悔一歸閉聲垂翅那能飛  
爾禽何事亦來此餘子未必真忘機

鵲華秋色圖

吳興公自序云公謹父齊人也余通守齊州罷官

貞居集卷三

八

來歸爲公謹說齊之山川獨華不注最知名見於  
左氏而其狀又峻峭特立有足奇者乃爲作此圖  
其東則鵲山也命之曰鵲華秋色圖云張雨賦詩  
於左

弁陽老人公謹父周之孫子猶懷土南來寄食弁山陽  
夢作齊東野人語濟南別駕平原君爲貌家山入囊褚  
鵲華秋色翠可食耕稼陶漁在其下吳儂白頭不歸去  
不如掩卷聽春雨

聽雨樓

至正八年二月十一日

雨中市井迷煙霧樓底雨聲無著處不知雨到耳邊來  
還是耳根隨雨去好將此語問風幡聞見何時得暫開

鐘動雞鳴雨還作依然布被擁春寒

梅竹雙清圖

已下見玉山雅集

竹外一枝斜更好自有此詩無此畫承平公子翰墨林  
寫影圖香戲春夜分明簾弄明月珠賈胡不識千金價

九日採菊

有序

庚午秋閏月菊華九日盈把因憶皇慶癸丑閏寫

京師崇眞宮明復眞人館前盛種菊太常博士虞  
翁生共飲楊仲弘初爲編修官醉臥菊叢中脫巾

賦詩其語云六尺坐具花中敷蓋十有八年矣明

復仲弘往矣翁生清貴而仙心落落余則山林朽  
骨未化者耳感而成章

貞居集卷二

九

憶昔賣藥游京都與陳世京爲酒徒九日索飲黃公壚  
翰林主人楊與虞坐擁黃花如美姝六尺坐具花中敷  
今朝醒眼看茱萸秋風飄零廿載餘死生契闊良可吁  
學道緣木而求魚平生詐善亦不無豈意獲此蒼眉鬚  
青城翁生列仙儒下視一世皆蟲蛆文字不償青紫紆  
不願探爵如樗蒲不願求富如陶朱願持菊泉釀酒干  
日醉醒來彈琴讀道書羲皇之風足自娛吾與先生有  
是夫

二雪辭

有序

十二月二日赤城茅大君還華陽一雪奇甚又十

八日得春先刻再雪益奇賦庚午二雪辭

瀟灑含真臺上雪玉柱冰簾兩奇絕散花先集萬松行  
鬢髻爲衛青毛節二君踞迎歡破寒太平家酒雲燒熱  
歲歲欲歸料理人太息人間疵癘頻此行乞與一尺玉  
散作江南萬里春  
鶴立通天臺上雪蕩蕩金屏白銀闕東皇太乙來何時  
候神之來使持節燎火飛英爭玉空弄光蘊月寒臙隴  
禮神受釐未及旦雞人已報東方風要識天人巧相與  
臘白春青一刻中

黃子久畫

中峰大面削鐵如巖岫綺錯非一途上連閣道傍屋廬  
尋窗數戶愁崎嶇米顛所製三尺圖筆力視此微粗疏

貞居集卷三

十

閩苑之臺遲子久不歸正爲松江鱸

中筆大大玄天師畫大松命題左方

龍身百圍冠玄鐵垂胡帶劍衣文鬣歛然遇之如泰山  
隱入雲綃玉女函畢宏走觀屐折齒禿筆韋偃不敢睨  
壁張木怪懾山精一竅辟歷風火生非枯樹賦神異經  
句容陳仲揚詩送淨月游山次韻一解

陰崖顛風無時興篁竹壓地虎晝行斲冰積雪臥空谷  
春至稍聞禽鳥鳴華陽南便洞窗小香煙西放峨嵋道  
神僧問訊破孤寂把臂入林一傾倒帕頭蒙寒驢背馱  
泥滑穩如杯渡波寄謝少年王敬和獨行其如沙汰何

趙涼公瑞瓜圖

茵房焚香披瑞圖中何有有嘉瓜五跗比翼駢十頭  
此圖發瑞涼公家公由鼎鉉致師傅功業旣備爵土昭  
閒居秋陵思無邪几杖所至爲著龜五色下被厥壤華  
在德爲祥僉曰休慶長縣縣德不孤衍蔓剖牙皆公侯  
味則捐煩壽而腴因時進退與道俱囿公之和是作歌

歌行

雪 雪中騎牛謁米元章墓

海岳清士陳太丘雪中能披鶴氅裘千斤犒特穩如舟  
高興壓倒王子猷丹陽郭外一抔土云是中岳外史之  
墟墓百年誰埽研山園不獨匡山讀書處牛角政自多  
漢書縣以酒瓢若垂胡忍寒再拜僵僮扶空谷置我一

貞居集卷三

七

東芻淨名之天方燕居虎兒亦笑迂叟迂江南滿地麒  
麟冢曾灑清明麥飯無去去南山煮白石甯子奚爲相  
齊國

畫雪 有敘

蔡天啟詩云收得三茅風雨樣高堂六月是水壺  
蓋其善畫自稱道如此辛未十二月廿八日大雪

戲作畫雪一章

絕笑丹陽蔡天啟愛寫三茅風雨圖三茅得雪真無價  
紫微閣中不敢摹小峰如玉人絕頂銀橋孤白龍安尾  
寒垂胡龍髯膠折青珊瑚營上索酒乍檠磳老范卻立  
爲長吁仙人郭忠恕纜車細筆界元符瑤臺劃然三百

疊金殿玉屏交網珠天風颺輪凍模糊顛倒元氣朝香  
爐半空驚起趙齷齪鐵冠墮地爲於菟陶唐三館閒研  
粉蓋屠蘇王維工寫蒼筤節韓生貌得詩人驢畢宏草  
偃最雄傑一掃晉朝雙柏枯古名畫史天爲徒安得諸  
賢折簡呼昌黎雜記正如畫點綴雪山還老夫不信賞  
心亭上看袁安一片今在無

口丑十月日長至獨遊郊圃獲蠟花朽梅株詩

以志怪命題曰古蠟齋

至日商旅戒不行我乃行藥隨支藤牆東負日橐駝叟  
指我枯枿見未曾誰截猛虎頭上有蜜花如凍蠅初疑  
南華老圃擲拘株又疑絳州守園胡人鬚山蜂使令兩

貞居集卷三

七

童子一坏舊山歸擔簦拾得僧虔鳳凰翎玉刻天寒隨  
指凝不然石炊家爨餘滴瀝遂使楫粗出驕矜黃香古  
涪蘚白室曉熏蒸吾詩有味鬪奇崛一笑飲水方曲肱

毒熱以松水自奉

青松一株白水一盃水寒而澈松掘音而腴層冰絕壑

不可到身外萬物皆洪鑪保此清靜正惟與二物俱腴  
若可餐澈不盈斟匪越几席爲余隱音乃不知余之

悅松水反遭其以余爲娛乎

方壺仙人山水圖歌次虞翁生韻

廿載與別青城翁邈聞壺子忻相從倒披鹿裘躡芒屨  
長揖門前華蓋峰手提障子雙松樹彷彿章侯筆蹤古

八分爲寫山水歌翁真曾到方壺處方壺出雲雲更多  
意中摸索如翁何杳冥獨見小員闕宮殿層層如駮婆  
恐似幽經累王遠日中不取驚雷電方丈西山水際九  
千丈歸來莫怪濱洲淺  
葉公恥畫龍學道龍虎山彈琴鳳凰聽百鳥飛集青琅  
玕上清外史贊詠之而我聞之心益閒其音冲且融其  
器有道出無窮得非零陵湘水西震餘石上之枯桐爲  
我一鼓湘水曲曲未終鳳凰和鳴載邕邕忽然嵇康顧  
我笑蘇門真人甚玄妙向來答予以長嘯葉公擁琴去  
莫追獨夜冷冷山月照

貞居集卷三

三

虞公爲海東之作歌舊矣惠之赴吳縣簿俾次  
其美其韻送行辭之不獲遂用倒韻一篇以塞責笑  
其云耳是亦例松陵倡和也

海東之玉關之人奈之何一朝趨試當大廷搜奇抉祕  
如懸河胷中二三策發憤精研磨山中兔毫渴濡染綠  
文巨研出大沱御卷足揮霍如見山之泰華江之鄱紫  
髯長戟凍不折濁流鼓枻冰峩峩得官固好好東之情  
最真遂使吳儂日相親不誇文字雄退與寒士相推尊  
淫哇鄭衛非所云闔閭城邊種楊柳柳江柳子子亦聞  
我有刻玉書願與窮朝昏子若修之可凌雲不廢世間  
功與名況聞子弟俱策勳一門科第凡五人瓊林之中

翔且翔如此文而章章所以青城樵者有歌曰海東  
之兄第三人如鳳凰我歌曰二雛亦復鳴朝陽載歌曰  
二雛亦復鳴朝陽  
玉笙謠贈陸德瑞  
我有紫霞想愛君白玉笙縣匏比竹無靈氣昆丘採此  
十二莖鳳唳銜明珠鳳翼排素翎金華周郎妙宮徵子  
晉僊人初教成月下吹參差羣雛亦和鳴緱氏山頭白  
雲起七月七日來相迎長謝時人一揮手飄下滿空鸞  
鶴聲

安元章研山其家所寶

貞居集卷三

七

曾見研山如見畫蒼龍一泓在其下真人氣岸雄且堅  
此石精英可方駕棹三寸舌帝者師入不言兮出不辭  
手把瓊芳迎太乙江南草木回春姿更借龍門涓滴水  
天藻亭中筆新泚題詩何必見安道從子風流政如此  
次韻率性來山見貽之作

南峰後靈石前嵐霞縞絢爭春妍貧家客來淨埽地亦  
有一餅紅杜鵑東坡七過山南陽山人能記坡翁語君  
方騎馬聽朝雞爲我入林來聽雨雨聲吹斷聽松聲怪  
石長松爲友生憐君慰我支離者不飲向人空復情我  
如病馬離羣去君如伯樂能生顧羊羣好在金華山夢  
裏相尋猶識路

同民歡客有具舟邀游靈巖上方一夕風雨明日以詩  
奉廉夫鼇頭爲更張其席  
山水皆久要一旦隔風雨臥遊政亦佳奚非濟勝具水  
贖山殘如我老觸目興懷殊草草不如繡錦坊中聽雨  
樓取醉都忘山水好鄭左不來今雨多張雪狂談柰爾  
何便從楊君借女妓澆我十分金叵羅絲竹由來不如  
肉不聞風雨祇聞歌

太白像

青綺帔綠玉杖望見九疊屏風上翩如游龍不可攀已  
在峨眉山月間

墨龍

貞居集卷三  
五  
高昌世子寫墨龍此龍乃出開元東井中東井水與天  
河通龍下取水遺其蹤道人識墨帝子逃入世子之筆  
鋒井頭夜半飛霹靂元氣淋漓雪色壁一鎖銀牀五百  
年纔點目晴生羽翼

因不聞製筆范養素乞詩爲作長句

多謝中書君伴我此幽棲蘇仙出語仍自笑我同此好  
仍非癡下巖檣壁如削泥三韓繭紙光陸離惜哉未覩  
柳筆樣圓如截玉銛如錐吳興老范子傳業拔毛翦鬚  
搜鼠狸精心妙藝出流輩姓名依附黃金閨邇來書法  
又一變八分隸古方趨時我書汝筆不相稱漫烏衫袖  
同兒嬉

陳賢良騎牛圖

廬山高哉多異人黃犢能令驄馬避御史孰若極諫科  
陳公獨行非求異一奮而斥斥而死哀文尙見東坡祭  
所以陶公遁齊梁畫牛籠絡黃金轡

長平戈頭歌爲蘇伯修賦

野嘯臺前看落日野人鉏地戈頭出持獻相君此何物  
土蝕金精血爲碧咄哉地近古長平尙憶秦人坑趙卒  
倒戈陸沈數十萬武安引劔將何及用兵之事多好還  
區區尙使秦人憐直須亭長提三尺埽蕩風塵四百年  
詩悼上清外史

玄卿難再得本是餐霞人高懷獨超物洞鑒亦絕倫君

貞居集卷三

三

自江東我吳下早歲聯翩侍金馬御榻賜書凡一束仙  
苑偷桃動盈把紫虛元君之玉訣青城先生教我者感  
君多道氣探懷爲君寫學士承旨平原公許我與君揚  
口同一時標名兩外史羽衣白茅立下風我還句曲廿  
餘載君乘輜軒歷煙海歸錦橋西結草樓樓中祇被長  
相待風煙山水共追尋福臨洞口話離心年深書字化  
爲碧白首蒼茫成古今聖井山崩數千尺君從羣龍去  
無迹困頓鹽車篠嶺頭此日思君復何益

集太白詩語酬僧淨月述楚辭

主人碧巖裏爲予話幽棲眞訣自從茅氏得風流還與  
遠公齊滿堂空翠如可埽而君解來一何好白玉塵尾

談重玄琉璃研水常枯槁蒼雲松拂彼白石土人聞  
此皆掉頭就中與君心莫逆袖拂紫煙去空中聞天雞  
借問蘇耽鶴早晚向江西

集句非古也而馳詞抽思者時復爲之於以見古  
今聲歌之一致物我情性之一源也此詩太白語  
而從橫顛倒無不如意神機妙用若古未有此語  
而自我作之者雖太白復生亦無以議貞居子矣  
昔太白之交元丹丘不翅膠漆而偕行融亦嘗頡  
頏飛霞佩而著名籍中寥寥數百年此意猶在則  
貞居殆非過取而淨月亦宜受也觀者其徵予言

中山李楸子才跋

貞居集卷三

七

奔月卮歌答鐵崖所作

巽社明珠奔入月脫殼政似風蟬潔魚網出之不敢視  
滌盡含沙光不滅文昌四星吞在腹一一金晶大如菽  
蜃物還來作飲器日夜雄虹繞林屋一扇桃核寬有餘  
半葉蕉心卷未舒飲非其亢躍加水怪雨盲風生坐隅  
置之天上白玉盤斗柄挹酒長闌干李白跳下鯨魚背  
持勸我飲相交歡幽宮馮夷爲予泣酌盡海水百怪出  
還我平生老蚌胎許君醉臥鮫人室

姑惡

村南村北麥花老姑惡聲聲啼不了有姑不養反怨姑  
至今爲汝傷風教噫君雖不仁臣當忠父雖不慈子當

孝  
中去

開元池上匹鳥久孤去數旬矣當午與一雌俱  
還對戲清波若有得色因賦一詩紀異

把酒臨清池孤鷺何自雙綵翼孑然去白頭歸有將綢  
繆若素好眷盼不能忘戲穿葭菼口荷芰與迷藏始結  
鸞鷺盟終黜鳧雁行有情金石弊生物詎可量君不見  
黃鵠下太液皇家此樂殊未央

王時敏聽雪齋

已下玉山雅集

頑寒鼯鼠河流漸銀濤鐵騎交奔馳瓏玲浙筴瓦溝滿  
坐窗已有幽人知東家暖客紅醅凝嘈雜新聲迷聽瑩  
後園壓折萬琅玕雪多正自無人聽我時空山夜寂寥  
風篁雪竇飾瓊瑤希聲疏越不可畫鳴球戛擊如聞韶  
憶昔齋居困學翁大書聽雪煩楚龔百年勝事將無同  
不傳師曠傳王蒸鶴髦明朝行雪裏須辦龍頭煎雪水  
牀下何人聞鬪蟻喚起春雷來洗耳

半雲歌

四明之客半雲叟要我爲作半雲歌丹山赤水一百八  
十里山川出雲何其多其下瀕洞根溟波其上泛濫支  
銀河唯當半雲間仙人道士常婆娑雲之暮兮海爲岸  
日蒼涼兮雲之且芝宮與貝闕迺在雲之半我來爲指  
雲間路中分茅屋東西住待得還丹草創成定將雞犬  
雲中去

簞箕吟書黃山人石壁

石爲箕不可以簸揚箕盛水瓢飲足盪觴一漱一咽洗  
髓腸載援斗柄料天漿半夜箕犯月大風撼地我欲狂  
起騎箕尾跨石梁長嘯應答驚下方張星醉降黃姑房  
哆然大笑箕口張水流月明天蒼蒼

效隱居擬古樂府寒夜怨

夜寒生羣獸驚寂兮寥兮棲遁情陰宮漫漫落葉平岡  
頭霜月弄微明寒漏趲寒弦緊愁腸結愁語盡人生異  
木石思來誰能忍

貞居先生詩集卷三終

貞居集卷三

九

木石思來誰能忍

頭霜月弄微明寒漏趲寒弦緊愁腸結愁語盡人生異  
木石思來誰能忍

效隱居擬古樂府寒夜怨

夜寒生羣獸驚寂兮寥兮棲遁情陰宮漫漫落葉平岡  
頭霜月弄微明寒漏趲寒弦緊愁腸結愁語盡人生異  
木石思來誰能忍

貞居先生詩集卷第四

五言律詩

暑雨大快

孰不矜高潔吾寧困鬱蒸眼前唯咄咄身外付騰騰地  
籟超聞樂天河借踏冰快哉風雨意奚獨掃青蠅

帶露空積雨

飽聽三峰雨閒題七月詩水深荷意怯田冷稻心遲  
龜陰爭盛蛟龍勢亦隨蒼茫不可問默坐看雲移

山水便面為柳道傳作

篋笥秋非遠塵埃暑實煩遂遊千里目稍借一涼恩  
僧閣依旁嶺漁梁跨別村誰能從象外試覓武陵源

貞居集卷四

碧巖洞

大木垂華蓋石間光景分丹名深刻玉翠氣直排雲隔  
沓南便近香煙上界聞真人歸蓋竹安得把飛翮

昭明堂

帝子登遐久令人發古懷書臺存爽塏學海黜淫哇  
草帶綠空碧芸香染斷崖子雲有奇字吾欲構蕭齋

咄咄

好鳥猶求友中年轉畏人吾寧廢丘壑子竟委風塵不  
厭聲名大祇疑消息真由來嵇叔夜未悟火傳薪

正風雪中得金陵諸公書二首

雪作眾禽驚窗幽亂霰鳴呀然身獲落莫矣歲暉嶮松

水聊娛拙乾坤苦忌名故人  
不相貸書札到柴荆  
落木從風靡支流趁谷斜  
山空不須說歲去若爲遮  
飢鶴搏窗紙寒魚嚼雪花  
推書祇清坐席暖到昏鴉

齋居偶興

絕澗多靈石中開小洞房  
醉醒依竹素晴雨看梅黃  
樹暗鶯聲聒巖虛水韻長  
未能超賈馬自足上羲皇

午日柬楊廉夫

客有撻琴至吾寧折簡招  
足音垂谷口雨氣截山腰  
酒倩紅泉瀉花爲絳節朝  
不嫌泥瀝極一舸段家橋

崑山袁氏高節樓

壽母初黃髮諸孫及壯遊  
人生惟大節海上見斯樓  
愛

貞居集卷四

日丹梯近仙雲畫棟留憑  
高一俛仰足使懦夫羞

挽張主簿

字叔器循王七世孫

南渡衣冠盡惟公享暮年  
王封開閣重儒術子孫賢  
愛日依華屋悲風卷素筵  
清朝開史館耆舊入新編

吳大宗師挽詩

饒國恩封大番君世德優  
恢然王佐略渺矣帝宸遊  
壽穠終千古河圖闕一丘  
及茲玄運厄靈免杞人憂

晉彥博士以詩索和甚媿  
率然觀者勿笑其窘

步

鑿磻盛春雨新流遶舍前  
何當留太白相與學思玄  
碧洞無人埽丹梯有路緣  
催詩苦云迫莫笑踈鳶肩

輔成觀張上卿墓廬

青牛謝車御白鶴歎人民閣有凌煙像橋無進履身平生玉櫺具此地石麒麟蕩蕩傳宗業中朝倚外臣

天谷庵

十三科取士救世豈無方儵送孤鴻舉難追入駿驥金壇猶著號碧落舊爲郎劍化丹鑪在山寒井水香

碧玉庵

四明袁氏

廿四巖前客能忘賀監居乖龍瞋草檄古象泣遺書把袂風塵表近公冰雪如時來青瑣闥晚節要蘧廬

湖寺擁碧軒

喧寂一塵隔湖濱出寶坊荷陰分補衲水氣雜燒香書

貞居集卷四

三

勸烏皮几茵敷白氍毹從來已公屋詩客許徜徉

萬致柔還省親舍僕聞而往候道中得此

數里平岡路仙山迹漸分柴荆來鶻語村落去人羣粉陣松崩雪濤頭日濯雲不緣停僕御直以候夫君

寄洞庭王子正

洞庭山似簇銀闕翠芙蓉安得滄浪子同尋縹緲降魚龍隨水落橘柚待霜濃未必桃源似雲帆躡去蹤

奉和揭學士聽松軒

何年種松子此地聽松聲濤響風還作山空夜自明一瓢嫌物累九奏感時清得似蒼髯叟長依白玉生

孤山晚步寄和靖掌祠懷中庸子

瑪瑙坡前立荒陂接葑田試從樵子徑往覓僕夫泉  
草寒猶短羣峰晚更妍誰歟結真隱其老太平年

十二月三日雪

快雪真無價豐年定有期臘前才一白至後已多時  
玉展琳琅步花團蚊蝶枝春風在天上飄入萬年池

煮石窩

仙人白石子服食受奇方玉烈猶餐髓初平枉叱羊  
砂牀收箭鏃玉屑備糒糧借爾彌明鼎行窩到處將

良常草堂圖

鄰近方隅洞良常別有天草堂朝看雨藥圃夜春泉  
邈矣盧鴻乙奇哉魯仲連君看遺世者若箇是神仙

貝居集卷四

四

雨中

推枕遽然覺高齋人跡稀卷簾芳草短看雨杏花肥  
薄莫寒仍在中林願稍違一遷隨谷鳥喬木是耶非

除夜

忽忽歲云暮徒興白首嗟山留待伴雪春禁隔年花  
把卷因遮眼分餚且膠牙自緣身懶惰莫遣送窮車

礪北梅至三月始華

陰礪殘梅枿臨流一向敲但存孤注在敢恨一生遲  
凍雨如相煦春寒不受吹後時翻見獨宰物遂成私

萼綠梅

山中古仙子無言春寂寥玉容澹朝雨翠氣溼微霄  
臨

風怯玩影弄雪媚攀條擬覓何郎句還憑翠袖招  
馬伯庸御史石田山房

監州遺愛地御史讀書堂絃誦猶懷魯田園獨在光白  
茅編野屋翠竹被溪梁欲賦淮南隱知君意不忘  
寄樊子中打碑者

樊遲詎學圃可論金石交常賦舊文字如見古陶匏漢  
篆龍回壁梁書室臥蛟墨卿吾與爾聊復隱三茅

呈揭曼碩學士

柴荆馬糞閒蛛網動相關閣老因移疾鰕生賴訂頑雨  
涼新竹健沙僻睡鳧閒如許清秋意扁舟獨忍還一作許  
秋來意溪  
賦忍獨還

貞居集卷四

五

曲密亭

水盞山復屋亭此可婆娑蝸角地雖少蜂房春自多橘  
藏商皓樂鳳憶楚狂歌何必天津上遠尋安樂窩

流杯礪

古木蟠幽礪層巒疊翠臺水歸蒼玉峽風引綠荷杯我  
自知魚樂人誰祓袂來惜無鼠鬚筆寫記刻巖隈

茵閣

巖架菌芝出榜題松雪扉雲來畫簷宿龍向墨池歸對  
几琴三疊倚闌山四圍仙靈能夜降應得受玄機

早秋

每嫌新酒少尙喜故交稠籬落三家墅梧桐十月秋月

生微顧兔星淡沒牽牛亦欲觀多稼江湖雨未周

次韻元鎮立文館有懷

林氣早知雨豔淡研苔滋素麤驚閒慢朱實委清池將  
整還山旆復亂故園思擘舟儻未遠弭棹一來茲

開元真人見遺劉商觀奔圖石刻毫髮布縷皆  
盡精妙蓋李龍眠臨唐畫本茅君彥模勒爲玉  
局仙翁所藏云

薪桂蘇蘭者能來立坐隅徒聞玉梢刻遂信石枰圖妙  
蹟傳仙李高名重大蘇向來林下意不敢易樵夫

乙亥元日試筆

四月  
得春

自古三朝節於今一笑看問年書亥字獻歲出辛盤黔

頁居集卷四

六

突多蒸朮紅冰賸浴丹行行追勝事步步埽春寒

無錫華子英谿山勝槩亭

共愛谿山住輪君勝槩多疑將草堂畫展向鏡湖波鶴  
雀深松柏鳥鷺足芰荷更修仁知術鄉社樂婆娑

蛛網落花

飛花墮錦茵蛛網解留春露垂霑更重風破舞還頻不  
逐燕嘴泥窻隨馬足塵遊絲復染惹流浪何足瞋

題趙仲穆竹西圖爲楊元誠

問訊楊雄宅深居在竹西風林宜月影春日聽鶯曉東  
老應同樂南鄰憶舊題東風又花草相與及幽棲

龍翔大師秋後惠勸簞

遮眼羣峰雨驚秋一葉風僧歸建業寺詩到豫章公鮚  
菜真堪戀桃笙不待攻澡身方得計瓶外有餘空

強行之常州教授

聞道詩書種南方有此強才名文學掾步武紫薇郎家  
與臯比近槃餘苜蓿長諸生時列坐亦足奉華觴

雪作

夕寂微生聽寒頑稍使猜明珠交撒帳銀甲整銜枚厲  
鬼鋒全挫東皇駕卽回眼中紛物色白戰若爲裁

次韻韓伯清見寄之什

郊居甘寂寞豺虎動成羣地僻傷春草江空憶暮雲友  
朋難得會書札近相聞世事今如此愁來嬾學文

貞居集卷四

七

久客黃岡地新年白髮侵笑歌思執手憂思苦關心市  
井皆吳語山林獨楚吟羨君漁浦上高隱貴要金

五言長律

元日雪霽早朝大明宮和辛良史省郎二十二  
纔收中庭燎俄看密雪飄歲開環甲紀星動指寅杓鳳  
集天門榜珂鳴月殿橋卿雲同四表和氣洽三朝陞級  
朐初截雲層玉旋雕句陳分綠隊步輦篋青腰積屑承  
盤重吹花到笏消透池光斧座凌亂綴珠翹百戲魚龍  
舞中巖虎豹調旌旗攢鼻鼻冠劔掠招搖樂共鑪煙合  
班隨翠袖招閭風游廣莫玉局道逍遙穆滿曾觴母洪

崖及見堯萬年臨紫極一白慶璇霄朝會儀如此騫騰  
意頗饒身惟參寂寞世豈絀紛囂姑射消疵癘蓬萊倚  
次寥瑤華攬戴勝珠樹引回鑣有術探鴻寶何人識爨  
焦竟須窮海岱直擬並松喬書就神牀寫香從別室燒  
憐君守華省琢句廢春宵

真隱集卷四  
真隱茅山四十四代宗師牧齋真人昇仙謠

昔受西城記華陽許徧窺醉持龍節舞寒借鹿裘披祇  
憶山中樂寧期世外悲及傳南嶽劒難駐赤城師畢道  
能無待玄科本有期紫宮新座席金錄古威儀菌石哀  
泉咽松花泣露垂他年歸白鶴尙慰里民思

山中老人有徐常隱劉瞻川俱年八十有七癸

真隱集卷四

八

西正月無疾觀化作二詩悼之

真隱集卷四  
徐隱士

居士多壽考有子獨徐卿自是青門隱賢於白石生延  
年非導引虛已不將迎涓子堪儔侶樵青或使令要之  
惟寂寞所以極高明竹杖常同臥參湯只細傾蛻蟬空  
更潔相鶴變方成何待要人爵良常特奏名

真隱集卷四  
劉法師

養壽知難測同塵要足嘉伴狂端有在觀妙本無涯台  
背衣緣蝨饒涎竈產鼃門迎東郭履人識稚川家請試  
囊中玉教餐海上霞戲曾分苦李坐得並浮槎後日修  
仙史於今少盜夸祇疑劉跛子走看洛城花

書懷二十韻奉呈虞集賢

昭代千齡運斯文一柱功初當延祐日晚識廣陵公朝  
士因推轂先生猥擊蒙睽乖遺廿載寤寐接孤風太史  
山川彥仙儒館閣崇置身清切上用志杳冥中句法黃  
初過才名冀北空朔南馳使節江漢借歸篷酒間餘杭  
姥泉尋六一翁境非秋水觀寺卽紫微宮侍坐要王遠  
移家近葛洪於焉承咳唾足以振罷癯卓爾身爲貴胡  
然老見攻戰肥終道勝德重豈途窮玉趾間迂步麻衣  
病鞠躬茶煙窗冉惹墨沼樹玲瓏飢甚無瑤草招來有  
桂叢輸心何落落把袂輒怱怱易進乘軒鶴難追戲海  
鴻明朝去吳會長笑爲誰雄

貞居集卷四

九

中湖禮鶴祀南嶺謁龍泓傳命舟車集探奇水陸并郎  
官思出沐閣老念辭榮遂接丘園士益騰風雅聲席隨  
隄草展腸對渚蓮傾游塵塵外避仙廳鶴首生雲物屬  
虛曠天容殊穆清非關遺草莽繫此局柴荆偶違數刻  
歡尙蓄千載情幽疾敢自廢時哉修令名

五言絕句  
茅山玄洲精舍左右真仙古蹟曰蘆山羅姑洞霞  
架海鶴臺桐華源玄洲精舍紫軒火浣壇隱居松

架海鶴臺桐華源玄洲精舍紫軒火浣壇隱居松

註翁王像龕至治二年壬戌歲道吳興溪上與松雪學

士倡和于絕以記其處仍書刻石山中

畫壁懸燈菌山巖雜靈衣何處至是地重巖雨餘雲

靈丘狀三秀紫雲覆其顛易我朝生質閱彼大椿年

真水本無羅姑洞自出庭開畫世魂猶懸貝珠蕙變

九疑得道女受事易遷家詩贈金條脫人逢萼綠華

空窗太霞霞架海融古文散開神中主莫長幾題襟

日芒架金色虹梁飲鳳阿直把天孫袂烏鵲詎填河

李基歌鶴鶴臺破曉風飄飄忽忽午城平裏幾飄天霖

靜夜颯靈風神君語帳中至今雙白鶴時下五雲峰

華林清散景丹水碧凝脂落葉秋無數宜都嬾寄詩

貞居集卷四

十

結衣賦瀛玄洲精舍題中至今雙白鶴時下五雲峰

李基遺故鼎趨嘯絕風雲悠悠千載下更復屬夫君

日書紫金紫軒紫菊蕭蕭風雨賦天派幾為誰虛變

玄窗太霞氣赤書洞古文借問軒中主莫是紫陽君

真火本無候真人自出現問埽劫灰餘幾見紅蓮變

靈丘狀三隱居松巖其顛易我朝生質閱彼大椿年

露壇棲妙蔭仙籟降靈秀何時三易帔重拂兩梢雲

瑞儀溫比玉寶帔曲流光稽首大司命料理住金鄉

士書玉像龕題其後

士書玉像龕題其後

士書玉像龕題其後

趙孟頫和十首

結茅依菌山焚香候芝蓋真靈幸憫我冠佩時來會  
真人五山羅姑洞處以爲當際于雖不數千以鶴風  
蒼梧助天末聞有綠毛仙卻過華陽洞人間九百年  
眞觀以嶺霞架海國以神清籙以爲藜火費不暇蓋  
眾木會一壑天近發霞光晨興新沐竟踰髮向朝陽

解西思鶴臺

上有白鶴翔下有幽人居幽人道當成白鶴來不虛

桐華源

伊誰植斯桐萋萋滿幽谷鳴鳳久不聞何當一來宿

貞居集卷四

七

現新賦玄洲精舍

子有鸞鶴想甘同麋鹿遊懸榻應待我分我半玄洲

上青白紫軒

林君已仙去紫軒名尙存丹光時或現鼎藥夜常溫

眾木會一火浣壇

眞陽以解形四大何足靳指窮以爲薪火傳不知盡

眞人在山日所至樹以松當知千載下遺子以清風

我有紫虛像白玉雕琢成貢之華陽天萬年蘄降靈

東漢高士詠

序

八月十三夜風雨淒其慨念東漢諸逸民取大蘇  
公中秋冷坐無因醉半月長齋未宥辭爲韻

子相足周旋破此家產豐陰功誰爲書得來華陽中

入山服黃連還鄉騎青牛借問五嶽圖一去三千秋

侯光與德耀布衣心耿耿長夜五噫歌誰念空山冷

難與助爲理聊復其偃臥文叔迫我甚客星犯帝座

貞居集卷四

老瞞實雄猜乃忌仙者徒鱸魚既可鱸蜀薑不可無

貴誠不如賤富誠不如貧自無子平易孰悟損益因

贈行青竹杖壺中有餘地如何一升酒盡日登樓醉

破甑久生塵短衣不掩骨還渠一斛麥所拾已雜半

臥龍拜牀下劉表安能屈照見采藥蹤猶遺鹿門月

欲追蘓先生白雲迷其方驢鞭不可執壽與銅狄長

澗雨臨戎王喬歎日未高  
數人繫風  
吹笙古仙人政要玉棺埋  
借問雙飛鳧何時離縣齋

學韓康首

公是伯休耶賣藥價不二  
卻問奪牛翁徵君當過未

矯慎

養壽慕松喬潔已配箕穎  
穴居七十年娶妻終不肖

法眞

逃名名我隨避名名我追  
去去南北山與世從此辭

古意

吳淩光纒纒織成鯨掉尾  
美人不敢裁恐觸波浪起

墨寫四花

貞居集卷四

梅

七

墨池初月上雪嶺又春歸  
翻笑花光老燈前指影肥

蕙

一榦香無奈何須百畝繁  
光風稍披拂書帶共翩翩

水仙

月珮聲都寂風鬟影更長  
龍香能幾許熏徹水仙王

瑞香

佛帳收餘馥廬山社裏來  
睡中香不歇消得幾成堆

墨花四首

烟空古山杏苑裏  
玉露思昔開雙葉  
泉石知難濕

微雨溼芳郊紅樓日未高  
樓前人繫馬初見出牆梢

新妝似學曉爲染黑燕支卻憶天台路林深月暗時  
山黃菊香菊嫩紫白香欲散開人難斷寒食冷思寒  
時菊三千本無如黑最奇誰將霜下傑移近右軍池  
最愛宜男草叢幽翠作圍日長人倦繡蛺蝶上羅衣  
芳草百題扇誰與金正賦一效味且靈詩奉水山王  
山禽寒噤啄風篁吹雪碎蒲葵不待秋已想堅冰至  
空山嘈夜雨幽人坐惆悵今夕楚欄泉明日秦淮浪

奚官洗馬圖

貞居集卷四

古

曾侍赤墀東天池看浴龍晚涼湖上夢猶立柳陰中  
空山觀明皇按樂圖  
髯伶識樂句我信曲有誤月白商聲多塵起漁陽戍  
山禽寒水仙風聲  
芳草有時歇無此金玉相一枝和月露持奉水仙王  
是藥宜芍藥白兔圖  
妥隋紅雲孕迷離玉兔兒揚州行樂地惆悵鬢成絲  
山鵲語查查驚飛白雪花清明人載酒寒食客思家  
獨得荆關法金壺墨未多異時傳畫譜誰識病頭陀

貞居先生詩集卷四終

貞居集卷四

五

貞居先生詩集卷四終

水仙

芳華有時歇無此金玉樹一枝和月遠於本水仙

鸚鵡白菴圖

夕陽紅雲染迷船玉兔見揚州行樂地何處製成涼

題玉簪水聚花山詩

山鶴語在黃鸝飛白鷺在清明人散酒樂自宮

題大嶺山詩

萬物別圖以金布墨木多見其神

07156

